



處州府志

ル 5
1573
7



門名 5
孫 1573
卷 7



處州府志卷之七

處州府知府元和潘紹詒重修

學校志 書院學
田附

宋慶歷四年各州縣始立學人材由此出風教由此興也栝為山郡迄今窮鄉僻壤牧豎耕氓咸知以讀書識字為先務仰見國家教澤涵濡深且久矣膠庠秀士三載賓興而外優行者舉出類者拔待士厚倚士重也是學校以士重士亦當增重於學校焉志學校

康熙二十五年

御製先師孔子贊及顏曾思孟四子贊并序

頒行天下府州縣學勒石置碑

御製先師孔子贊并序

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心之所以不泯也粵稽往緒仰溯前徽堯
舜禹湯文武達而在上兼君師之寄行道之聖人也孔子
不得位窮而在下秉剛定之權明道之聖人也行道者勛
業炳於一朝明道者教思周於百世堯舜文武之後不有
孔子則學術紛淆仁義湮塞斯道之失傳也久矣後之人

而欲探二帝三王之心法以爲治國平天下之準其奚所
取衷焉然則孔子之爲萬古一人也審矣朕巡歷東國謁
祀闕里景仰滋深敬摛筆而爲之贊曰清濁有氣剛柔有
質聖人參之人極以立行著習察舍道莫由惟皇建極惟
后綏猷作君作師垂統萬古曰惟堯舜禹湯文武五百餘
歲至聖誕生聲金振玉集厥大成序書刪詩定禮正樂旣
窮象繫亦嚴筆削上紹往緒下示來型道不終晦秩然大
經百家紛紜殊途異趣日月無踰羨牆可晤孔子之道惟
中與庸此心此理千聖所同孔子之德仁義中正秉懿之
好根本天性庶幾夙夜勗哉合圖溯源洙泗景躅唐虞載

歷庭除式觀禮器擣毫仰贊心焉遐企百世而上以聖爲
歸百世而下以聖爲師非師夫子惟師於道統天御世惟
道爲寶泰山巖巖東海泱泱牆高萬仞夫子之堂孰窺其
藩孰窺其徑道不遠人克念作聖

御製顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用舍行藏
王佐之器

御製曾子贊

洙泗之傳魯以得之一貫曰唯聖學在茲明德新民至善

爲期格致誠正均平以推至德要道百行所基纂承統緒
修明訓辭

御製子思子贊

於穆天命道之大原靜養動察庸行德言以育萬物以贊
乾坤九經三重大法是存篤恭慎獨成德之門卷之藏密
擴之無垠

御製孟子贊

哲人既萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

康熙四十一年正月

聖祖仁皇帝御製訓飭士子文頒行學宮

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢材蔚起庶幾棫樸作人之意乃比來士習未端儒教罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加整飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀寧無究心必也躬行實踐砥礪廉隅敦孝順以事親秉忠貞以

立志窮經考義勿雜荒誕之談取友親師悉化驕盈之習文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥奸猾欺孤凌弱或招呼朋類結社要盟乃如之人名教不容鄉黨弗齒縱倖逃褫扑濫竊章縫返之於衷能無愧乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲

厥初拜獻便已作奸犯科則異時敗檢踰閑何所不至又安望其秉公持正為國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮即爾祖父亦增光寵矣逢時得志甯俟他求哉若仍視為具文玩愒弗做毀方躡治暴棄自甘則是爾等冥頑無知終不能率教也既負栽培復干咎戾王章具在朕亦不能為爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則

職業弗修咎亦難道勿謂朕言之不預也爾多士尙敬聽之哉

同治二年六月二十五日禮部 奏定 文廟祀位

大成殿正位

至聖先師孔子

東配

復聖顏子 漢永平十五年祀七十二弟子顏子位第一魏晉祀孔子均以顏子配唐貞觀二年以孔子為

先聖顏子配饗

述聖子思子 宋大觀二年從祀端平三年升列哲位咸淳三年配饗

西配

宗聖曾子 唐開元八年從祀
宋咸淳三年配饗

亞聖孟子 宋元豐七年配饗

以上配位宋以前皆稱封爵元至順元年贈顏子充

國復聖公曾子邾國宗聖公子思子沂國述聖公孟

子鄒國亞聖公明嘉靖九年改稱復聖顏子宗聖曾

子述聖子思子亞聖孟子

國朝因之

東哲

先賢閔子 唐開元八年從祀

先賢冉子 唐開元八年從祀

先賢端木子 唐開元八年從祀

先賢仲子 唐開元八年從祀

先賢卜子 唐貞觀二十一年以經師從祀

先賢有子 唐開元八年從祀

西哲

先賢冉子 唐開元八年從祀

先賢宰子 唐開元八年從祀

先賢冉子 唐開元八年從祀

先賢言子 唐開元八年從祀

先賢顓孫子 唐開元八年從祀

學校

先賢朱子

宋建炎四年生慶元六年卒年七十一淳祐元年從祀國朝康熙五十一年升列哲位

以上哲位宋以前皆稱封爵明嘉靖九年改稱先賢

某子

國朝因之有子朱子升列哲位從一例

東廡先賢

先賢公孫僑

左傳魯襄公八年始見昭公八年卒國朝咸豐七年從祀原西廡擬移東廡

先賢林放

鄉唐開元二十七年從祀明嘉靖九年改祀於國朝雍正二年復祀原西廡擬移東廡

先賢原憲

唐開元二十年從祀

先賢南宮适

唐開元二十年從祀

先賢商瞿

唐開元二十年從祀

先賢漆雕開

唐開元二十年從祀

先賢司馬耕

唐開元二十年從祀

先賢梁鱣

唐開元二十年從祀

先賢冉孺

唐開元二十年從祀

先賢伯虔

唐開元二十年從祀

先賢冉季

唐開元二十年從祀

先賢漆雕徒父

唐開元二十年從祀

先賢漆雕哆

唐開元二十年從祀

先賢公西赤

唐開元二十年從祀

先賢任不齊

唐開元二十年從祀

先賢公良孺 唐開元二十年從祀

先賢公肩定 唐開元二十年從祀

先賢鄒單 唐開元二十年從祀

先賢罕父黑 唐開元二十年從祀

先賢榮旂 唐開元二十年從祀

先賢左人郢 唐開元二十年從祀

先賢鄭國 唐開元二十年從祀

先賢原元 唐開元二十年從祀

先賢廉潔 唐開元二十年從祀

先賢叔仲會 唐開元二十年從祀

先賢公西與如 唐開元二十年從祀

先賢邽異 唐開元二十年從祀

先賢陳亢 唐開元二十年從祀

先賢琴張 唐開元二十年從祀

先賢步叔乘 唐開元二十年從祀

先賢秦非 唐開元二十年從祀

先賢顏噲 唐開元二十年從祀

先賢顏何 唐開元二十七年從祀 明嘉靖九年復祀

先賢縣亶 國朝雍正二年從祀

先賢牧皮 國朝雍正二年從祀 原西廡擬移東廡

先賢秦商 唐開元二十七年從祀

先賢顏高 唐開元二十七年從祀

先賢壤駟赤 唐開元二十七年從祀

先賢后作蜀 唐開元二十七年從祀

先賢公夏首 唐開元二十七年從祀

先賢后處 唐開元二十七年從祀

先賢奚容蒧 唐開元二十七年從祀

先賢顏祖 唐開元二十七年從祀

先賢句井疆 唐開元二十七年從祀

先賢秦祖 唐開元二十七年從祀

先賢縣成 唐開元二十七年從祀

先賢公祖句茲 唐開元二十七年從祀

先賢燕伋 唐開元二十七年從祀

先賢樂欬 唐開元二十七年從祀

先賢狄黑 唐開元二十七年從祀

先賢孔忠 唐開元二十七年從祀

先賢公西蒧 唐開元二十七年從祀

先賢顏之僕 唐開元二十七年從祀

先賢施之常 唐開元二十七年從祀

先賢申棖 唐開元二十七年從祀

先賢左邱明

唐貞觀二十一年以經師從祀

先賢秦冉

唐開元二十七年從祀明嘉靖九年復祀

先賢公明儀

國朝咸豐三年從祀原東廡擬移西廡

先賢公都子

國朝雍正二年從祀

先賢公孫丑

國朝雍正二年從祀

先賢張載

宋天禧四年生熙甯十年卒年五十八淳祐九年從祀

先賢程頤

宋明道二年生大觀元年卒年七十五淳祐元年從祀

以上先賢位宋以前從祀者皆稱封爵明嘉靖九年改稱先賢某子周張程邵五子嘉靖時稱先儒崇貞十五年改稱先賢位在七十子之下漢唐諸儒之上

國朝俱稱先賢不稱子

東廡先儒

先儒公羊高

子夏弟子唐貞觀二十一年從祀

先儒伏勝

秦博士唐貞觀二十一年從祀

先儒毛亨

年無考受詩於荀卿以授毛萇按史記楚考烈王二十五年荀卿廢居蘭陵距漢興三十二年太平御覽引毛詩正義云荀卿授漢人魯國毛亨則是秦漢間人國朝同治二年

從祀

先儒孔安國

漢武帝時為博士侍中唐貞觀二十一年從祀原西廡擬移東廡

先儒后蒼

漢宣帝時為博士明嘉靖九年從祀

先儒鄭康成

漢永建二年生建安五年卒年七十四唐貞觀二十一年從祀明嘉靖九年改祀於

先儒范甯

鄉國朝雍正二年復
祀原西廡擬移東廡
晉咸康五年生隆安五年卒年六十三唐貞
觀二十一年從祀明嘉靖九年改祀於鄉

先儒陸贄

原西廡擬移東廡
唐天寶十三年生永貞元年卒年
五十二國朝道光六年從祀

先儒范仲淹

宋端拱二年生皇祐四年卒年六
十四國朝康熙五十四年從祀

先儒歐陽修

宋景德元年生熙寧五年卒年
六十六明嘉靖九年從祀

先儒司馬光

宋天禧三年生元祐元年卒年六十
八咸淳三年從祀原西廡擬移東廡

先儒謝良佐

稱程門四先生
宋元豐八年進士生卒年無考與楊時同
祀國朝道光二十九年從

先儒羅從彥

宋熙寧五年生紹興五年卒年
六十四明萬曆四十二年從祀

先儒李綱

宋元豐六年生紹興十年卒年五十八
國朝咸豐元年從祀原西廡擬移東廡

先儒張栻

宋紹興三年生淳熙七年卒年四十
八景定二年從祀原西廡擬移東廡

先儒陸九淵

宋紹興九年生紹熙三年卒年五十四
明嘉靖九年從祀原西廡擬移東廡

先儒陳淳

宋紹興二十三年生嘉定十年卒
年六十五國朝雍正二年從祀

先儒真德秀

宋淳熙五年生從祀原西廡擬移東廡
明正統二年從祀原西廡擬移東廡

先儒何基

宋淳熙十五年生咸淳四年卒年八十一
國朝雍正二年從祀原西廡擬移東廡

先儒文天祥

宋端平三年五月二日生元至元十九年
卒年四十七國朝道光二十三年從祀

先儒趙復

生卒年無考以宋端平二年至北庭當
列元儒之首國朝雍正二年從祀

先儒金履祥

宋紹定五年生元大德七年卒年七十二
國朝雍正二年從祀原西廡擬移東廡

慶州府志

卷之七 學校

七

先儒陳澔 宋景定二年生元至正元年卒年八十一

先儒方孝孺 元至正十七年生明建文四年卒

先儒薛瑄 洪武二十二年生天順八年卒年七

先儒胡居仁 明宣德九年生成化二十年卒

先儒羅欽順 明成化元年生嘉靖二十六年卒

先儒呂柟 明成化十五年生嘉靖二十一年卒年六十

先儒劉宗周 明萬曆六年生從祀國朝順治二年卒年六

先儒孫奇逢 明萬曆十二年生從祀國朝康熙十四年卒

先儒陸隴其 明崇貞三年生國朝康熙三十一年卒

廡

西廡先儒

先儒穀梁赤 子夏弟子唐貞觀

先儒高堂生 秦末漢初人唐貞

先儒董仲舒 漢武帝初年對策為江都相元至

先儒毛萇 漢河間獻王博士當武帝

先儒杜子春 漢永平初年從祀原東廡移西廡

先儒諸葛亮 漢光武四年生建興十二年卒年五十四

先儒王通 陳至德二年生隋義甯二年卒年三十五

原東廡擬 移西廡

先儒韓愈 唐大曆三年生長慶三年卒

先儒胡瑗 宋淳化四年生嘉祐四年卒

先儒韓琦 宋大中祥符元年生熙寧八年卒

先儒楊時 宋皇祐五年生紹興五年卒

先儒尹焞 宋熙寧四年生紹興二年卒

先儒胡安國 宋熙寧七年生紹興二年卒

先儒李侗 宋元祐八年生隆興元年卒

先儒呂祖謙 宋紹興七年生淳熙八年卒

先儒黃榦 宋紹興十二年生嘉定十四年卒

先儒蔡沈 宋乾道三年生紹定三年卒

先儒魏了翁 宋淳熙五年生嘉熙元年卒

先儒王栢 宋慶元三年生咸淳十年卒

先儒陸秀夫 宋端平三年十月八日生祥興二年卒

先儒許衡 宋嘉定二年生元統二年卒

先儒吳澄 宋淳祐九年生元統九年卒

先儒許謙 元至元七年生後元至元三年卒

先儒曹端 明洪武九年生宣德九年卒

先儒陳獻章 明宣德三年生宏治十三年卒

先儒蔡清

明景泰四年生正德三年卒年五十六國朝雍正二年從祀

先儒王守仁

明成化八年生嘉靖七年卒年五十七萬曆十二年從祀原東廡擬移西廡

先儒呂坤

明嘉靖十五年生萬曆四十六年卒年八十三國朝道光六年從祀

先儒黃道周

明萬曆十三年生國朝順治三年卒年六十二道光五年從祀原東廡擬移西廡

先儒湯斌

明天啟七年生國朝康熙二十六年卒年六十一道光五年從祀原東廡擬移西廡

以上先儒位明嘉靖以前從祀者皆稱封爵嘉靖九年改稱先儒某子

國朝稱先儒不稱子

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠

東配

先賢孔氏孟皮 國朝咸豐七年配饗

先賢顏氏 名無繇唐開元二十七年從祀明嘉靖九年配饗

先賢孔氏 名鯉宋咸淳三年從祀明嘉靖九年配饗

西配

先賢曾氏 名皙唐開元二十七年從祀明嘉靖九年配饗

先賢孟孫氏 名激明嘉靖九年配饗

東廡先儒

先儒周氏 名輔成年無考明萬曆二十三年從祀

先儒程氏 名珦宋景德三年生元祐五年卒年八十五明嘉靖九年從祀

先儒蔡氏 名元定宋紹興五年生慶元四年卒年六十四明嘉靖九年從祀

西廡先儒

先儒張氏 名迪年無考國朝雍正二年從祀

先儒朱氏 名松宋紹聖四年生紹興十三年卒年四十七明嘉靖九年從祀

以上先賢先儒位明嘉靖時稱先賢某氏先儒某氏

國朝因之

臣等謹按乾隆十八年議定從祀位次先賢首蘧瑗

林放蓋以文翁圖列二人於七十二賢之內而伯玉

年先於孔子故與林放俱列弟子之首自澹臺滅明

至牧皮悉仍舊次則以史記家語所紀弟子之年既

不相合所列弟子之序亦不相同且同為孔子弟子

慶州府志 卷之八
不能定其先後也孔子弟子之次爲孟子弟子又次爲周張程邵五子五子之中邵子年最長而列四子之下者則於序齒之中兼論道德也張子在二程子之上者以二程父表弟年亦長於二程也至先儒則有時代之可憑有年齒之可據故皆按年序次載在乾隆年間

欽定會典通禮諸書今先賢中增祀公孫僑公明儀二人公孫僑年先於蘧瑗應在蘧瑗之上擬以公孫僑移於東廡第一位蘧瑗移於西廡第一位林放旣與蘧瑗並稱擬移於東廡第二位而移澹臺滅明於西廡第

二位牧皮爲孔子弟子公明儀爲曾子弟子擬移牧皮於東廡第三十五位移公明儀於西廡第三十五位其餘先賢之位悉仍其舊以省東西移易先儒增祀者凡十五人其位次隨時擬定限於東西多寡之數於時代不無參差今合原定從祀與續經增祀之儒各就時代按其生平一東一西以次排列庶與乾隆年間

諭旨相符而無凌躐之弊是否有當伏候

欽定

禮部謹

奏爲遵

旨謹將

文廟祀典次序繕單繪圖恭呈

御覽並聲明定例以示限制仰祈

聖鑒事本年四月二十二日內閣抄出十八日奉

上諭給事中王憲成片奏各直省府廳州縣兩廡先賢先儒位次每多凌躐並有奉旨准從祀者神牌尙未敬製入廟等語著禮部將祀典次序繪圖頒發各直省督撫學政轉飭府廳州縣等官遵照辦理其神牌未經製造入廟者迅卽製造供奉等因欽此仰見

皇上右文稽古廣勵學宮之至意當於議覆方孝孺從祀摺

內聲明由臣等詳細查覆另行具奏奉

旨依議欽此臣等伏查自唐至宋從祀諸賢並列殿上至政和新儀成始分列東西廡朱子語類云七十二人先是排東廡三十六人了卻方自西頭排起當初如此自升曾子於殿上下面趨一位次序都亂了蓋宋時已有此失明宣德三年以萬縣訓導李鐸請命禮部考正從祀先賢名位頒示天下

國朝雍正二年

世宗憲皇帝時命九卿等詳議增祀復祀諸賢儒並通行直

省悉依國子監序列乾隆十八年

高宗純皇帝復命廷臣考據史傳於先賢先儒分列之中案年序次載在乾隆年間

欽定會典通禮諸書釐然秩然一無少紊自道光二年以來增祀者不少臣部隨時酌議位次未便以增祀一人使諸位移易但就祀位之多寡年代之先後酌擬增入故就一廡而論尙無凌躐而合兩廡而論不免參差積之既久自不能不一爲釐正臣等謹遵乾隆十八年之例考據史傳並先儒文集案年序次繕單繪圖恭呈

御覽以後如續有增祀者仍遵歷年成案各就東西廡祀位多寡案次增入如蒙

俞允臣部卽刊刻頒發通行各直省督撫學政轉飭各府廳州縣等官謹遵辦理其神牌未經製造入廟者於文到日迅卽案圖製造供奉以崇祀典而闡幽光抑臣等更有請者竊思附饗

廟廷祀典至鉅伏查雍正二年奉

上諭先儒從祀文廟關係學術人心典至重也宜增宜復必詳加考證折衷盡善庶使萬世遵守永無異議等因欽此道光九年奉

上諭先儒升附學宮祀典至鉅必其人學術精純經綸卓越方可俎豆馨香用昭崇報若僅著述家言闡明心性未有躬行實踐超越等倫列祀鄉賢已足彰褒旌之義豈宜升附廟廷稍滋冒濫等因欽此咸豐十年閏三月奉

硃批大學士軍機大臣酌定以後從祀章程不可漫無限制若定例原有專條即不必酌定章程遵例行不准援案等因欽此大學士軍機大臣等遵議章程嗣後從祀

文廟應以闡明聖學傳授道統爲斷除著書立說羽翼經傳真能躬行實踐者准各該省督撫臚列事實奏請從祀外其餘忠義激烈者入祀昭忠祠言行端方者

入祀鄉賢祠以道事君澤及民庶者入祀名宦祠概不得濫請從祀

文廟其名臣賢輔已經配享

歷代帝王廟者亦毋庸再請從祀

文廟以示區別並請纂入禮部則例永遠遵行等因具奏奉

旨依議欽此同治二年御史劉毓楠奏附祀新章尙未允協請再行覈議奉

上諭先儒升附學宮久經

列聖論定至爲精當咸豐十年

文宗顯皇帝飭令酌定章程以示限制原以宮牆巍峻祀典至崇必其學術精純足爲師表者方可俎豆馨香用昭勿替茲據該御史以新定章程過嚴如宋儒黃震等均經禮部議駁謂士人皆以聖賢爲難幾必至人心風俗日流於奇袤異端而不及覺推該御史之意必將舉古人之聚徒講學著有性理等書者悉登之兩廡之列方足以資興起而德行之儒平日躬行實踐師法聖賢實爲身後從祀之計議論殊屬迂謬所奏著無庸議欽此

臣等詳繹

列聖諭旨暨

皇上諭旨皆以祀典至重不可稍有冒濫溯查

文廟從祀唐貞觀時止有二十二經師開元時始祀孔子

弟子沿及宋代僅增周程張朱邵六子及韓愈司馬

光張栻呂祖謙四人而已明嘉靖時所定先賢凡六

十二人先儒止二十九人後又增祀六人我

世宗憲皇帝釐定祀典增祀二十人復祀六人乾隆年間止

復祀吳澄一人自道光二年至今又增祀十七人凡

傳經傳道與夫經綸卓越之儒已爲大備近給事中

王憲成請以明儒方孝孺從祀臣等以孝孺開有明

一代氣節之先並爲有明一代理學之冠是以擬准

奉

旨俞允在案特恐各省官紳未能深悉歷次所奉諭旨紛紛陳請從祀殊非慎重之道應請

飭下各直省督撫學政恪遵咸豐十年定章不得濫請從祀

文廟並不准援案如爲

文廟中必應從祀之先賢先儒方准該督撫會同該學政

詳加考覈奏明請

旨並將其人生平著述事蹟送部查覈其

欽定書籍中引用若干條論贊若干條先儒書籍中引用若

干條論贊若干條一併詳細造冊送部京堂科道陳請從祀者亦應照此辦理不得僅據空言率行陳請均請

飭下大學士九卿國子監會同臣部詳議具奏請

旨定奪庶足以昭

宮牆巍峻益隆

尊聖崇儒之道除繕單繪圖恭呈

御覽外並聲明定例以示限制所有臣等議奏緣由是否

有當伏乞

皇太后

皇上聖鑒

訓示遵行謹

奏於同治二年六月二十五日奏奉

旨依議欽此

謹案通志稱杭州府學為十郡膠庠之首凡奉到

訓旨率先奉行而各郡邑咸蒸蒸向化焉故恭紀於此處

州府學為十縣膠庠之首因准其例恭紀

御製聖賢贊

訓飭士子文并同治二年禮部奏定文廟祀位於府

學前永遠遵奉又同治七年奉文增祀先儒袁燮位

在兩廡呂祖謙之次十二年增祀先儒張履祥位在

東廡孫奇逢之次光緒元年增祀先儒陸世儀位在

西廡黃道周之次二年增祀先儒許慎位在東廡后

蒼之次均在奏定位次以後因將增祀年分一併

謹記凡歷代先賢先儒封號祭器樂章陳設佾舞儀

節各學校皆同無關處州郡縣掌故者概不臚列

處州府儒學在府治南一里初學在擇山之巔唐元和

李鄴侯繁來守新孔子廟設講堂行禮有韓文公記

記曰自天子至郡邑守長通得祀而徧天下者惟社稷與孔子焉然而社祭土稷祭穀句龍與棄乃其佐享非其專主又其位所不屋而壇豈如孔子用王者事巍然當坐以門人為配自天子而下北面拜跪薦

祭進退誠敬禮如親弟子者句龍棄以功孔子以德
固自有次第哉自古多有以功德得祀然其祀事皆無
祀句龍棄孔子皆不得位而得常祀然其祀事皆無
如孔子之盛所謂生人以來未有如孔子其賢過於
堯舜遠者此其效與郡邑皆有孔子廟或不能修事
雖設博士弟子或役於有司名存實亡失其所業獨
處州刺史鄴侯李繁至官能以爲先既新作孔子廟
又命工改爲顏回至子夏十人象其餘六十子及後
大儒公羊高左邱明孟軻荀况伏生毛公韓生董公
高堂生楊雄鄭元等數十人皆圖之壁選博士弟子
必皆其人設講堂教之行禮肄習其中又爲置本錢
廩米合可繼處以守廟成躬率吏及博士弟子入學
行釋菜禮耆老歎嗟其子弟皆興於學鄴侯尚文於
古記無不貫達故其爲政知所先後可歌也已乃作
詩曰惟此廟學鄴侯所作厥初庠下神不以字先師
所處亦窘寒暑乃新斯宮神降其獻講讀有常不誠
用勸揭揭先哲有師之尊羣聖巖巖大法以存象圖
孔肖咸在斯堂以瞻以儀俾不或忘後之君子無廢
成美琢辭碑石以贊攸始

宋康定初威敏孫公沔徙

今址案通志註宋陳孔碩文廟記云威敏之宣和初

燬於寇侍郎黃葆光重建紹興壬戌維揚王禔闢六

齋郡人尙書梁汝嘉捐地相之又少師給事王信亦

右有小祠各一以祀二公皆地置田贍學明倫堂左

萬歷間裔孫梁誌仁重建今存 毘陵徐汲復翹三門

十三年毘陵鄒栩立櫺星門鑿池架橋咸淳辛未番

陽李雷奮重建講堂至元二十七年幹勒好古大修

大成殿齋廬門廡悉加完葺明正統七年推官黎諒

捐俸易瓦鼎新大成殿景泰四年知府張祐重建明

倫堂天順五年知府馬偉重建大成殿成化元年知

府周祺翹退省堂增築廨宇號房十八年參議張敷

華僉事江孟綸新之二十年知府郭忠修建正德十

三年知府林富購地增拓之萬曆二十年同知陳其

志呂鳴珂二十八年知府李滄重修開濬泮池縉雲李銘

記載四十二年知府鄧士昌重修明倫堂王一中四十

七年知府陳見龍重修文廟天啟五年同知廖鵬舉

重修尊經閣萬曆二十八年知府任可容重修縉雲鄭汝

壁記見中為先師廟康熙十九年知府李率祖重

藝文狹小捐俸改建翼以兩廡前為廟門三間門外及兩

廊列樹碑文左為土地祠知府劉廷璣建兩廊移前

為泮池跨以石橋又前為櫺星門康熙已巳大風吹

仆同知夏宗堯重

建東西成德達材二坊復改為德配天地道冠古今

四十九年左坊風仆雍正十年知府曹掄廟後為明

彬重立右坊毀壞麗水知縣王鈞重修

倫堂康熙乙丑通判吳文煒重建知府劉廷璣重修

三年後為崇聖祠久廢康熙乙丑同知崔鳴鶯建志作

見後櫺星門左為儒學門稍進為道義門久廢門左有

文昌祠文公祠敬一亭久廢後為名宦祠知府劉廷璣鄉

賢祠康熙壬戌知府李率祖重建知府劉廷璣西廡

後為教授宅康熙庚申知府李率祖訓導宅僅存楹

民居康熙十七年訓導范光曦重修僅屋五間射圃

後久不住朽爛就傾雍正十年訓導周雯修建

鄉賢祠後久廢

國朝順治七年署推官張元樞重修康熙十六年知府
 線一信十八年知府李率祖先後重建四十九年壞
 於風雍正三年督學彭維新重建七年知府姚鈴建
 崇聖祠案通志增列乾隆以後屢有修葺無可稽攷咸豐
 八年粵匪陷郡城廟燬十一年城再陷同治四年知
 府清安陳請興建奉撥錢四千串益以十邑捐輸委
 任麗水知縣陶鴻勳經歷鄭國士教授金鏞訓導程
 炳藻鳩工庀材經始九月至明年十一月落成殿廡
 大成門櫺星門土地祠官廳並殿後明倫堂堂後崇
 聖祠悉照舊址建復櫺星門左為儒學大門門內東

偏重建名宦鄉賢祠建教授署訓導署於明倫堂牆
 外西偏一律完固在事紳士為麗水鄭以德王宗訓
 王經諸葛綉葉謙青田葉奠敷縉雲李夢庚遂昌毛
 復裕工竣後未設碑記

教授署在明倫堂西牆外照舊址移前數步舊有梅一
 株暗香疎影古趣盎然嘉慶間教授張作楠顏
 其室曰梅籜著梅籜隨筆又築小室名曰我齋自為
 記今分為訓導署梅在訓署後圃屢經兵火而梅猶
 存

訓導署在教授署後

名宦祠在學左大門東北 祀四十二人

唐刺史李邕李繁邢羣李仲敏宋郡守楊億張若谷

孫沔關景暉陳戩黃烈黃葆光張翬劉大中汪待舉
葉顒范成大馬光祖吳勢卿吳芾侍御謫監酒稅劉
琦教授黃啟明教授蘇伯衡知府劉仲濂謝子襄張
祐萬安韓斐郭忠謝緝同知范天錫胡琮林復通判
黃聰訓導姜普温處道胡有恒

國朝總督郭世隆朱昌祚王隲李之芳巡撫范承謨提
督塞理白按察使楊宗仁

鄉賢祠在名宦祠前 祀五十人

宋周明梁汝嘉間邱昕鄭汝諧何琬王信項安世季
陵葉賀孫吳安國田渭季洞明志深祝公明姜綬尹

起莘王夢松楊富老元鄭滌孫項棣孫祝大昌王毅
明劉基章溢葉琛胡深王景王廉葉子奇薛希璉金
忠盧璣李棠潘琴潘辰葉鉅鄭宣汪瑛劉璟陳詔樊
敬虞瑤何允恭高鎰裘仁陳遂王葑王敦儀王一中

國朝端木國瑚

紫陽書院府治南一里舊為城隍廟明嘉靖間知府高
超改創書院用帑金百兩置田供春秋祭祀

後廟改入
府學今廢

南明書院在府治圭山文昌閣東首康熙三十三年知
府劉廷璣建雍正十一年知府曹掄彬重修

志

蓮城書院在府治東南圭山即南明書院舊址自雍正
間修葺後乾隆十七年知府賦璉改為蓮城

書院咸豐八年匪燬同治四年知府清安重建十三年麗水知縣彭潤章就釋山舍聖廟右義塾改建書院名曰圭山隸縣蓮城仍為府書院知府潘紹詒延師主講於月課詩文外增設字課講明楷法并令生童鈔錄各經隨時默寫無甚脫誤即捐廉加獎各邑負笈者踵相接

學田 附

宋康定初郡守威敏公孫沔徙建今學置學田以贍生徒後沒於奸僧至元元統中始復於學田在青田縣黃肚黃裏兩源有田山園圃共拾叁頃捌拾陸畝肆拾步至元二十七年僧官楊總統倚法橫行延慶寺僧師晟因構誣詞陳之統所利兩源之田便已奪去宋宣和五年知府黃葆光復歸入學詳具柳貫歸田記載藝文

後田復為兩源人侵沒

案至元二十七年寺僧師晟利兩源之田便已奪去宋宣

和中知府黃葆光復歸入學等語敘述不明似將時代倒置攷歸田記師晟構誣詞陳之統所利兩源之田便已飾言曰盧使君約建寺於唐乾元中施田二十頃四至內無官民田土宋宣和元年寺改為觀三年而復五年知府黃葆光遂奪之入學是宣和元年以下數語為師晟詞誤作記事語今附註以資攷證歸田記凡三載藝文

至明隆慶五年同知汪應昂丈量青田田地兩源人王敏九等具首改正時知府陳烈因邑令蔡日宣以田隸所治求析叁百畝為邑生資報可議以拾頃歸府學餘析與青田縣學又嘉靖四十五年知府張大韶捐置學田壹百餘畝後為奸民易置地段乾沒租課胥徒陰為之庇詳具郡人何鐘後歸田記中載藝文合計

府學田坐黃裏源陸百叁拾貳畝黃肚源坐田叁百柒拾畝張公大韶置田壹百壹畝在麗水東鄉劉世惠輸田壹拾貳畝在青田石帆鄉宣平人入官田貳畝伍分在陳溫鄉通得壹千壹百壹拾柒畝有奇坵段徵則具列碑陰按舊志碑記所載以上處州學田有壹千壹百柒拾餘畝在青田者兩爲奸僧所沒一爲兩源富民所侵前得吳李二公極力清釐後得陳張二公嚴行查覈歸學者再所以有前後歸田兩記張公大韶不特清出兩源之田又捐置麗水各處壹百餘畝田增入府學前後不及百年田之經理斂散

志已無考查

國朝以來青邑之田皆歸青田縣管收佃田之人轉相頂賣每年除完祖餉銀每畝壹錢所有餘剩皆經管胥差分肥飽壑至雍正十年奉 兩院清查行據青田縣册送通共學田壹拾壹頃叁拾伍畝玖分叁釐陸毫陸絲玖忽三微每畝徵租銀陸分餉銀肆分通共額徵租銀陸拾捌兩肆錢肆釐餉銀肆拾陸兩捌錢肆釐十一年六月內詳奉

督憲程 批飭府學管收征解學田在青田縣者乃得復歸於學有知府曹掄彬三歸田記載入藝文

守道周繼昌捐置學田有李銑記 別有碑樹府學明倫堂左錄附於後

萬曆四十四年正月十五日分守溫處道周捐銀柒拾叁兩零置買罪犯葉正華入官腴田肆拾肆畝壹分貳釐玖毫地玖畝叁釐陸毫每年除完扒平共實餘租銀貳拾肆兩捌錢玖分貳釐伍毫徵貯麗水縣每月初二十六日兩學月考赴領充文卷供給之資每次一兩著為定式恐久廢識此永照

崇貞三年通判許有寰捐置學田分入府麗二學郡有人王一中 查記內尚有郡守海陽陳公捐置學田若載藝文

于舊志失載無考 按以上三項學田俱在麗水歷委栝蒼驛驛丞管征田柒拾壹畝肆分叁釐陸毫伍絲叁忽坐落二十六二十八三十三十一三十三各都共收租銀拾壹兩壹錢壹分麗水縣典史管征田柒拾玖畝柒分捌釐陸毫玖絲陸忽地貳拾畝玖分陸釐柒毫玖絲玖忽塘伍畝玖分壹釐坐落一二三六七九十四十五十七二十八三十三各都共收租銀貳拾陸兩壹錢玖分零俱解存府庫給賓興之用此田地塘畝分俱按照雍正九年清丈字號冊開載

舊志

麗水縣儒學在縣治西南一里居擇山之巔原府學中舊址

為先師廟翼以兩廡前為廟門西為土地祠後為

崇聖祠祠左為明倫堂雍正八年知縣王鈞修建前山趾為泮池

周圍砌石欄南為屏牆康熙五十八年知縣萬瑄建櫺星門教諭宅訓

導宅久廢文昌閣在廟門東康熙五十年教諭葛天鵬建名宦祠舊在戟門東久廢

鄉賢祠舊在戟門西久廢忠孝祠在文廟牆東

擇山故州社稷壇遺址唐李鄴侯始建學宋康定中

孫守沔建州學於州治東遂改為縣學宣和間經兵

火紹興十三年知縣王筠重建元至元二十九年縣

尹韓國寶以擇山陟絕不展拓而太學釋褐吳海捐

山下地增築與舊址平建明德堂明代因舊修葺成

化間參議張敷華僉事江孟綸重修乃徙櫺星門於

前甃石為階改明德堂為明倫堂嘉靖間知縣吳梓

闢學前民居鑿泮池萬曆二十年知府任可容修自記

載藝文天啟三年巡鹽御史傅宗龍修王一中記載藝文舊志

國朝康熙十八年知府李率祖重修二十四年知縣王

秉義張毓瑞二十五年教諭王珊二十九年知縣張

建德四十七年知縣蔣時敏雍正八年知縣王鈞乾

隆二十五年教諭沈夢龍三十三年教諭金學超嘉

慶三年教諭應正祿道光十三年署訓導陳遇春二

十六年知縣張銑先後重修志咸豐八年粵匪壞大

成殿等處九年監生許一鈞貢生陳鳳鏘徐琨王如

辰廩生鄭以道等修十一年賊復踞城及退盡為焦

土同治七年知縣朱廷梁捐俸倡建以代去九年知

府馮譽驄知縣劉履泰各捐俸會同署教諭曾鴻昌

教諭李恭潤訓導張侃率紳士鳩資重建馮譽驄重

官碑記麗水為處州附郭縣地瘠而貧民習耕作石

田硯確歲雖登困無餘積然室家相守無逐末輕去

其鄉士樸學不獵華薄希詭遇登賢書者其文醇雅

淵奧槃槃根深蓋其俗使然也同治庚午予承檄署

郡事甫至官邑令劉君謁予曰麗水距省會雖僻遠

然風近古可興於學日縣學即唐州學故址刺史李

繁所建韓文公為作記者也兵燹後茂草鞠焉願更

新之于矍然曰此為政首務也亟與劉君出金為倡

邑人士爭趨焉不數月專集將落成而予移守他郡

行有日諸生父老操筆札而前曰侯治郡勤愛吾民

擊願因新廟之成勒記於碑吾儕誦焉以無忘我侯

之訓予乃告之曰諸君亦知國家立學之意乎夫

學將以學為聖人也聖人之道高遠矣學之終身

未能至而不學則不可以為人彼以聖道為迂遠者

謂不便於富貴利達耳夫操孔子之道以求富貴利

達且猶南轅而適燕趙豈但迂遠已哉智巧之士陷

於富貴利達而悖道者多矣故學聖人者當自不悖

聖人之道始麗之民重本而棄末士復尚質樸務實

祛偽有不悖於道之基矣由此而之焉誦聖人之言

法過斯廟者必自思曰吾果無違孔子之教歟審如

處州府志

卷之七

學校

三

國

立學化民成俗之意哉諸生父老其勉之矣案

明嘉靖九年從張璠議詔天下先師廟易塑像以木

主而麗學先師及四配十二哲像尚存論者往往執

設奠無尸之說咸豐十一年經兵火像毀無

存同治九年重建知縣劉履泰議用木主

名宦祠 在崇聖祠右 國朝乾隆四十二年教諭金

學超因樂育齋故址改建 祀十九人

宋縣令王禔江安止趙汝濂林裴元縣尹韓國寶教

諭王度明訓導祝金知縣林性之教諭林夢鼎

國朝總督郭世隆朱昌祚王隲李之芳李衛孫爾準巡

撫范承謨朱軾按察使楊宗仁提督塞理白

鄉賢祠 與名宦祠合祠 祀二十五人

宋梁汝嘉季洞吳安國姜綬閻邱昕祝公明王信楊

富老元項棟孫明葉琛王廉薛希璉葉鉅金忠何允

恭鄭宣高鑑汪瑛陳遂沈鍊 案嘉靖戊戌進士題名碑沈鍊浙江紹興衛軍

籍麗水縣人祠中向未設主嘉慶三年教諭應正祿

據康熙中知府周茂源請祀鄉賢原檔及禮部議准

咨文 增設 何鏗王葑葉曾王敦儀王一中 中 增設

忠孝祠 在明倫堂東 國朝雍正五年知縣郭朝端奉文建祀 姓名詳人物

各縣同

節孝祠 與忠孝祠同時奉文建始在行春門內圯於

水縣人錢元爇於忠孝祠東建祠祀其母節孝王氏

乾隆四十二年教諭金學超并遷舊祠主合祀之

姓氏詳列女各縣同

教諭署 在樺山前麓 國朝雍正十三年教諭丁述

奇建門內為麗澤齋齋後為藏書樓左右為廂房乾

隆四十二年教諭金學超於樓左增建樂育齋故樂育齋

在崇聖祠右改後以在叢竹中改名綠玉六十年教

諭應正祿增建穿堂耳房嘉慶十四年教諭屠本仁

建修道光十七年教諭吳榮重修同治九年知縣劉

履泰重建

訓導署 舊在釋山後麓

國朝嘉慶九年訓導沈雄飛建門內為講堂堂左為住

宅十九年訓導姚樟重修道光十六年訓導潘華重

修同治九年知縣劉履泰以舊址勢低大雨水注不

可居移建於教諭署西案枯蒼稟紀儒學解舍二一

縣蕭轍訓導易于瀾建一在山東麓嘉靖四十二年知

熊子臣訓導李良衢重修雍正處州府志但云久廢而不著其地則釋山後麓署已非舊址矣以上麗新志

圭山書院 在圭山明萬歷二十二年知府任可容建

國朝康熙三十三年知府劉廷璣重建為縣義塾五十

年知縣林竹重修雍正元年署總兵馬璘重修五年

知縣郭朝端撥廢寺田為膏火資八年知縣王鈞重

修乾隆十七年知府賦璉改為蓮城書院合合郡生

童肄業其中故麗邑無專屬之書院同治四年知縣

陶鴻勳九年知縣劉履泰議復立書院未果今縣合

彭潤章蒞任後分題課士捐廉為膏火資慮不能繼

因籌興復而邑人潘紹唐徐元泰何韻顏增賢以次

慨捐田畝爰撥寺田充之貢生陳鳳鏘以所建倉聖

廟及擇山義塾助為書院復廣建廨宇而名則繫以

圭山存其舊焉按通志舊志載南明書院康熙三十

義學在圭山文昌閣西康熙五十年知縣林竹建雍正

火資戶編縣義學田坐東鄉水南諸處雍正

八年知縣王鈞捐俸重修延師訓士舊志

社學 明萬厯間監司馮時可王應麟檄知縣鍾武瑞

建凡七所一在望京門一在通惠門一在橋蒼門一

在巖泉門一在 謹樓 選教讀七人各給廢寺田貳拾畝以充脩脯今

並廢同治九年知縣劉履泰設履端義學十一年知

縣王紹庭改養正義學今踵行之皆捐廉延師訓邑

子弟焉

育英義館 在縣西四十里高溪置田十七畝徵其租

入以為脩脯縣志

學田附

宋時置田贍學後奪於僧寺元至正中復歸學有劉

田明初無考至嘉靖間知縣王近思置田三百餘畝

刻之戟門碑陰每畝歲徵銀壹錢壹分歲計銀叁拾

壹兩伍錢南山淤盡周遭環水為界道堂淤畝其可

耕者耳

舊志案為字以下疑有脫誤

國朝康熙五十年知縣林竹撥廢寺田叁拾壹畝伍分零內除荒田外實在熟田貳拾陸畝坐二十一都窰坂莊年收穀貳拾肆石內完糧叁兩貳錢壹分叁釐秋米肆斗捌升柒合餘存易價為翻蓋補葺之用又本縣原設官沙學地壹頃伍拾玖畝零坐十六都溪次年徵銀捌兩貳分肆釐除解藩庫銀肆兩貳分肆釐外餘肆兩存縣公用雍正七年知縣王鈞見麗學諸生月課無資將此項給發儒學充用

舊志

歲修田

國朝康熙五十年知縣林竹詳撥廢寺田三十一畝五

分由學徵租以資歲修屢荒於水乾隆四十二年教

諭金學超查存田二十六畝四分

坐二十都窰畝莊每年徵租穀二十

石完糧銀三兩二錢一分三釐秋米四斗八升七合按年造册申府報銷

贍士田 宋時置田贍學後奪於僧寺元至正中復歸

學 案括蒼彙紀謂劉基有歸田記今劉集失載明復失之嘉靖三十三年

知縣王近思復置田三百餘畝

國朝雍正七年知縣王鈞查存南鄉十六都溪次學地

一百五十九畝每歲租銀捌兩貳分四釐由縣徵解

布政司轉解學院於歲科試賑給貧士以餘銀四百

交學為諸生月課卷資乾隆初教諭吳涑仍以餘銀歸縣報銷

案縣志稱舊府志此款與歲修田誤合為一

賓興田 明萬厯間分巡道周繼昌知府陳見龍天啟間通判許有寰前後置田地一百八十六畝零

國朝嘉慶十六年知府涂以輅以典商捐銀增置田六十七畝零並委員徵租除完錢糧秋米以外解餘銀

於府庫鄉試年給諸生為路費

有教諭屠本仁記勒石縣學廟門外其田

畝土名悉載碑陰 道光八年邑人顏學賢捐竹洲青灣二處

田一百二十五畝六分

有知縣黎應南記

又貢生何雲鼇等

以北鄉捐資置田五十一畝四分續得捐田二十二

畝七分

田畝細數俱載北鄉賓興錄知縣李象昂為之序

九年舉人徐望璋

等以在城及東西南三鄉捐資置田地八十一畝一分四釐九毫三絲八忽又無額有租田三十六石八

斗

西鄉小石

又四都周葉氏捐田三畝十五都林趙氏捐

租七石一斗

田畝細數俱載崇文義舉錄知縣黎應南為之序 縣志

青田縣儒學在東門外崇阜之巔中為 先師廟翼以

兩廡後為明倫堂又後為崇聖祠前為廟門又前為

櫺星門名宦祠鄉賢祠教諭訓導宅

久廢俱寓居城內

舊學在東門外建於宋慶厯間元符間縣令朱戩修宣和間戩子常復為合重修尋燬於寇紹興元年令

艾若訥重建元至元丙申復燬明洪武初知縣耿亮
重建宣德間御史楊鐸重修正統間教諭張本捐俸
建大成門築露臺徙學門於半山關學前路成化丙
戌知縣盧傑重修嘉靖戊午燬於倭寇知縣李楷移
置城中福勝寺址并買民基足之癸亥知縣丁一中
復建於縣東之舊基拓東門城抱學於內萬曆二十
四年知縣林翰英重修三十七年洪水衝壞學後城
三十九年知縣方澹然修城從士民之議改築於舊
址教諭鄭奎光建文昌閣於學左

國朝順治六年復被寇燬權於城內教諭署安 先師

位康熙十一年紳士捐資重建於故址十九年火燬

至四十四年知縣鄭新命捐俸倡建蓋自明迄今三

建城內再建城外焉舊志雍正三年知縣萬里重修乾

隆三十七年知縣唐敬始改建於城內三坊道光五

年知縣董承熙更新擴充之同治元年燬於兵二年

邑人侯銓同知葉蕙敷修建中為大成殿後崇聖祠

翼以東西兩廡前為大成門左齋宿所右土地祠前

為泮池左右為名宦鄉賢祠前為櫺星門門前泮池

左右戟門殿左為尊經閣奎星閣前為明倫堂青新志

名宦祠在戟門左祀十一人

學校

宋縣合劉芹艾若訥陳光趙時永劉晟明知縣耿亮

謝子襄單瑛陳世顯教諭張本楊輔案舊志祀十一人今照青邑新

志共祀二十七人唐朱匡宋劉芹艾若訥謝深甫趙時永元何明成明耿亮孫公謙謝子襄單瑛張本鍾

禮梅植宗徐牧張時敘陳世顯殷雲霄項志德蔡日宣陳文暉趙允熊震國朝總督范承謨朱昌祚提

督賽理白總督李衛提學雷鉞

鄉賢祠在戟門右祀十二人

宋陳汝錫蔣繼周鄭汝諧王夢松陳葵明劉基劉璟

王潤孫陳詔留季安包愉陳中州案舊志祀十二人今照青邑新志共

祀十七人宋陳汝錫蔣存誠蔣繼周鄭汝諧陳葵王夢松明劉基留季安王潤孫劉璟陳詔包愉陳中州

陳偕王敦儀王一中國朝端木國瑚

忠孝祠 在清溪門內雍正五年知縣萬里奉文建

光三年教諭史致霖捐俸修同治元年燬於兵

節孝祠 在錦屏門內雍正五年知縣萬里奉文建

光三年教諭史致霖捐俸修同治元年燬於兵六年

知縣張兆基重建

射圃 在學西通志

學署 舊在東門外學宮側明倫堂後左教諭署右訓

導署各八楹嘉靖戊午燬於倭知縣李楷徙學宮於

城內旁建兩學齋署

國朝康熙二十五年知縣張皇甫建明倫堂四十五年

知縣鄭新命建文昌閣乾隆十四年知縣羅達春教

諭徐宏坦訓導姚鑾於文昌閣前建堂上為奎星閣

左教諭署右訓導署同治元年燬於兵青新志

混元書院在混元峯之麓明嘉靖間因點易亭遺址建書院祀餘姚王文成公後祀崇貞三年知縣

韓晃重建額曰文明王一中記

心極書院明嘉靖癸丑提學阮鶚作心極圖繫以心問一篇頌示浙學知縣李楷即舊府館改建書院鑄文堂壁移王文成公之主於此置田二十畝供春秋二祭山陰王畿記以上二書院從舊志並詳古蹟

新建書院舊為府館萬曆丁丑知縣梅時雨改建

湖山義塾 南田義塾 芝溪義塾 屏山義塾 雁

山義塾 浯溪義塾 厲氏義塾以上舊志

石門書院在縣西七十里石門洞通志列學校舊志載古蹟今並載

正誼書院 舊在劉公祠側乾隆戊寅知縣張日盞建

道光五年知縣董承熙移建趙山咸豐七年知縣曹

和澍修同治六年知縣羅子森重修青新志

鶴皋書院 在縣南二里泥灣嶼光緒二年士紳捐建

初名兀突青新志補遺

學田附

明隆慶五年知縣蔡日宣請於府析兩源學田三百畝以資養士費 先是宋以來置田贍學自洪武十

六年始歲撥米六百石於學倉收貯給師生俸廩朔望香燭之費田則浸沒於民間久矣至是奉例丈量青田人俱以府學田首於府時知府陳烈議以十頃歸府學而知縣蔡日宣因請留前田三百畝入青田學語具何鏞府學歸田記又萬曆十六年知縣俞指南增置學田二十畝田在二都六都案舊志載學田三頃因大水淹沒現存三十餘畝在慈善寺大洋等處每年完糧銀一十三兩又城外沙地一片歲收麥數十石又東門內蔡塘頭池一口係社團隔岸有社臺地三間俱學管收今催據學冊查造土名丹山門

外學田共二十八號合計共八畝六分一釐二毫二

絲五忽慈善寺康坂大洋等十土名共學田三十二

畝四分

舊志

縉雲縣儒學在縣東三十步中爲先師殿前爲露臺翼以兩廡又前爲廟門門左爲名宦祠右爲鄉賢祠前爲泮池跨以石橋外爲櫺星門右爲大門額曰青雲路廟後爲明倫堂左爲教諭宅西爲敬一亭亭南爲訓導宅東隅爲崇聖祠傍爲土地祠爲吏舍廚房祭器庫後爲朱子祠廟前爲文昌閣廟西爲尊經閣初學建自唐上元二年縣令李陽冰創至宋慶曆四

年縣令王令望縣尉毛維瞻重修碑文詳金石元至正二

十七年主簿吳璋重修麗水梁倚為記宣德二年知縣陳京

重修楊榮為記嘉靖二十六年知縣周世遠復培廟址築

露臺鑿泮池徙櫺星門開拓鼎新田汝成記

國朝順治五年燬於寇七年知縣項始震建文廟十七

年知縣汪宗魯建明倫堂康熙十三年閩寇盤踞縣

治拆燬殆盡二十年知縣霍維騰捐銀二百餘兩重

修文廟建兩廡啟聖名宦鄉賢土地祠朱子祠進德

修業齋敬一亭及泮池橋櫺星門神厨欄干墻圍悉

復舊制二十七年教諭周萬基捐俸重建尊經閣雍

正九年知縣胡琇捐俸重修舊志

乾隆二十四年知縣馮慈教諭胡望斗重建合狐志嘉

慶八年邑人捐貲重建道光十七年教諭尹希伊董

勸邑人呂朱王三姓購地開基捐貲重建中為大成

殿表五丈六尺廣六丈高五丈六尺基增於舊五尺殿前石臺二丈廣四丈天井石砌長七丈二尺廣

五丈八尺翼以兩廡東西各七楹自北至南徑八丈外戟

門三間門之內為拜廳其旁左為名宦祠右為鄉賢

祠祠後左右為文武官廳各一間其基橫廣九丈三

戟門外為櫺星門直徑十四丈有奇橫廣七尺有奇中開泮池池上

建石橋櫺星門外為照墻其相去直徑十丈有奇東西

處州府志 卷之十 學校

磚墻開壁門各一左曰禮門右曰義路照墻外東西

坊各一左曰德配天地右曰道冠古今高二丈八尺廣一丈四尺

坊外餘基四圍欄干西首空地周兆基助南北六丈東西三丈

學政羅文俊教諭尹希伊各有記翰林院侍講學士

縉雲縣重修文廟碑記括蒼一東南之峻嶺也羣峯

來浙於辛丑十月道經是邑輒憑軾觀風考其郵驛

案其山川證其文獻知靈秀所鍾毓久矣蓋自李唐

上元中創建文廟以來代生偉人宋有陳伯明伯

固兩先生昌明學明則周制軍樊參政勛名爛然

流芳史冊迄今數百年未有繼起者形家謂廟久傾

圯且方冊迄今數百年未有繼起者形家謂廟久傾

束髮受書執經講學其大者務明義理荷綱常出可

以建功立業不負平生處亦循循矩矱之中為鄉間

所矜式庶幾無失守先待後之心科名特其寄焉者

耳欲求無玷於巍科必先自範於聖教倘使俯仰多

慙被濯不事乃冀登仕版輒認為讀書稽古之榮也

得乎昔太史公有言登其堂觀其車服禮器未嘗不

深高山仰止景行行止之思則使學宮妥侑之區規

模隘狹蕪穢不除非特無以肅明禋抑何足動人敬

慕而千百載私淑獨念四民之儕士居其首束修自

好表率也資今子矜濟濟俎豆莘莘其母偕名教毋

詭禮義毋忘烟戒毋瀆大防則猶梓材之既勤丹蘄

而復事塗墍也吾見文蔚起儒林式遑應名山之

精采紹明經丁汝廉趙維英李樹槐丁汝嘉茂才陳

望焉於明經丁汝廉趙維英李樹槐丁汝嘉茂才陳

朝榮應叔琳李信芳孫作瞻陳橫樊嵩高陳仲芳黃

誥柯之瑜之請為碑記因濡筆而兼以勗之是役也

三周歲有奇非一朝一夕之力植基不窳翬革可觀

既拓櫺宇復裕歲修凡用銀一萬九千餘兩捐貲者

河川朱瑛魚川王謨壺鎮呂精一萬九千餘兩捐貲者

之士矣其秘議勸捐重壺鎮呂精一萬九千餘兩捐貲者

備得大殿後為崇聖祠舊在大道光二十一年改建

在大成殿後 咸豐七年大水壞墻垣八年十一年迭

遭匪燬呂朱王三姓後裔累次修復東為明倫堂在舊

大成殿後 順治十七年知縣汪宗魯建康熙三十年知縣

霍維騰修道光二十一年改建在大成殿東又東為

土地祠東南為魁閣舊在大門樓臨街道光二十一年移建

在大門內 東北為尊經閣令狐志明倫堂東為道光

十九年教諭尹希伊修另建教諭署西北為敬一亭

嘉慶十三年改建文昌宮亭廢縣志

教諭署在崇聖祠東舊置講堂道光十九年教諭尹希

伊捐建內署以舊署仍為尊經閣咸豐間匪毀教諭蔡瀛升兩

次捐建

訓導署在文昌宮南 康熙二十二年訓導陳獻御重建道光

十九年訓導邵世培又建樓房於後二十六年訓導

余倬修咸豐十一年匪毀訓導吳大治捐修

射圃在仙巖寺後亭廢基址尚存

名宦祠在戟門內拜廳左 祀四十二人

唐縣令李陽冰李蕃宋縣令李長卿縣尉毛維瞻詹

良臣縣令蘇德秀縣尉張仲倩元縣尹石谷王秉仁

主簿林懋祖縣尉杜伯忠主簿樊璠孔林郭璞縣尹

李思謙縣尉張梓明知縣楊時敏劉澤民縣丞彭萬

成知縣葉景善典史韓榮主簿梁維謙知縣朱成遠
縣丞劉幹知縣李謙黃坪教諭高崧知縣楊盛教諭
史昱訓導鄭嘉祐知縣吳璟

國朝總督郭世隆朱昌祚王隲李之芳巡撫范承謨提
督塞理白按察使楊宗仁知縣項始震總督李衛朱
軾學政朱珪

鄉賢祠 在戟門內 拜廳右 祀三十八人

宋胡份詹度田渭趙順孫梅寬夫李桂李端履元范
霖明朱維嘉趙塤樊敬趙曾李棠趙璉徐善周瑾周
南李長鄭禧范卿李璽李瑁鄭文樊獻科鄭文茂李

珉李鍵鄭汝璧盧勳李瑯李繼韶鄭子壽李鉞丁如
臯李彥時李洵鄭賡唐

忠義祠 在縣北仙巖寺西 雍正四年奉文建後圯台
州離商李恒豐於道光十九年捐貲重建

節孝祠 在縣北門內

社學 在龍泮橋西 舊志
獨峯書院 在縣東三十里 朱文公至此愛其山水似武夷嘉定
中郡人葉嗣昌建

美化書院 在縣東六十里 朱文公講道於此嘉熙中縣尉陳實
建 案 二書院通志載學校舊志列入古蹟今並詳

五雲書院 在學宮後 中為朱子祠明嘉靖四年知縣方潤建

後改為按察分司行署久廢

國朝康熙二十二年知縣霍維騰重建朱子祠設義學

雍正四年知縣戴世祿創建前廳講堂中奉朱子神

位以及門邑人陳邦衡邦鑰配東西學舍各五乾隆

九年知縣閻公銑重修二十四年知縣馮慈增置講

堂二十八年教諭胡望斗倡率紳士修葺二十九年

知縣合狐亦岱於前廳增屋二楹為守院者所居額

曰五雲仍舊名也道光八年邑人呂錫熊購墻左隙

地重建成豐間匪燬呂錫熊子姪等重修

金蓮書院 在縣治西 乾隆三十年知縣合狐亦岱即關廟舊

址創建中曰樂育堂東西屋四楹為金蓮書院道光

七年知縣謝興宗興復以院後西倉廢址益之邑人

丁耀清獨力改建正屋七楹中為講堂東西廂屋四

楹後二楹四廂五間大門一間八年知縣續立人捐

資二百金生息以助經費二十八年始將所置田歸

山長經管

仙都書齋 在二十都靜岳莊 道光四年丁汝嘉等合建

右文館 在九都新建莊 嘉慶二十四年樓步雲等二十三人倡

建為西鄉士人會文之所置田收租除納糧祀文昌

及會課開支外餘資為鄉會試優拔貢路費

學田 附

宋嘉定時知縣趙崇絢置田四百畝山四原元季為豪家及僧寺所據至正間部使覈實復歸於學畝數土名具列碑陰有余希曾復田記明洪武初置地十四畝亦附碑中今歲久莫稽矣查縣志現今並無學田地塘學册開造同舊志所載田四百畝山四原地十四畝皆侵佔別賣改籍易名一無可考舊志

國朝乾隆二十五年邑人陳元升助學田二十九畝五分九釐水塘二畝六分七釐丁大常等陸續助學田

二十四畝二分三釐歷年租息為修理文廟學署費

賓興田未縉邑向無賓興公項嘉慶十六年平糶項下

餘資八百千有奇貢生丁國麟等稟請置田收租為

文武生員鄉試路費縣志同治五年知縣譚明經捐置

田十二畝有奇縣新志

松陽縣儒學在縣東南百步中為先師殿翼以兩廡

前為廟門為泮池跨以石橋又前為櫺星門戟門東

為名宦祠為文昌祠即土地祠西為鄉賢祠為景賢祠祀

府通判許有寰葛永振知縣楊應華繼增祀邑宦葉以章又移入雲巖魏公主於內祠田十二畝租九石

歸儒學櫺星門之東為儒學門門內有青雲路東為

省牲所廢近為訓導宅久廢康熙三十八年廟東西有

號房各四今為義館地廟後為明倫堂明嘉靖同建

教諭朱錫吉訓導高重各五堂後為尊經閣知縣武方蔚

今為教諭閣西為射圃圃南為萬仞坊雍正十年知儒

學門東為文昌閣明崇貞五年知縣楊應華建後學

建自唐武德四年宋宣和三年燬建炎時知縣徐彭

年重建唐閱繼葺紹興間王淑茅崇增修吳祇乾道

紹定清祐間知縣劉唐褒王圭高彭更相修飾元元

貞間赤蓋顯忠撤舊更新至大四年主簿王友加修

明正統三年教諭錢謐建奎文閣吳郡張號舍尊經

閣奎文青雲二坊並廢萬曆十年知縣張賽改建於郊

外三十一年知縣劉幹正復徙舊址郡守鄭崇貞二

年署縣通判許有寔重建知縣楊應華董成之又建

啟聖祠文昌閣王一中記十七年知縣高重建尊經閣舊志

國朝康熙十八年知縣張景留捐俸重修三十八年義

民阮尚恭捐資建訓導宅四十年知縣武方蔚教諭

朱錫吉訓導高重邑人丁正乾丁正中丁振世劉符

升丁兆先葉金枝等公捐重修明倫堂五十四年署

松陽縣蕭山縣縣丞傅之誼教諭朱錫吉訓導范邦

達等重修乾隆十九年知縣黃槐教諭王玉生訓導

陳集英倡捐重修合邑紳士公捐協修二十年邑人
楊友宗張文賢鄭日會賴肇基劉亮高捐建教諭宅
三十二年教諭胡雲昂又捐俸添造外堂三間顏曰
約禮齋因隆慶時知縣李基建約禮齋於明倫堂之右故仍其名三十三年知縣
曹立身教諭胡雲昂訓導朱篆典史郭尚質等倡捐
重修合邑公捐協修自殿廡各祠宇以及明倫堂尊
經閣及左右號舍四圍墻垣煥然有加焉
文廟正中為

大成殿東西列兩廡前為戟門又前為泮池跨以石橋又
前為櫺星門戟門之東為名宦祠為文昌祠即土祠西

為鄉賢祠為景賢祠崇貞六年建初名三賢祠後改

正九年教諭許惟權重修乾隆櫺星門之東為儒學

門門內有青雲路殿後為明倫堂堂東號舍七間西

號舍九間西為教諭宅舊無宅居尊經閣乾隆二十

宗等捐金於西號舍內基地建宅七間堂後為尊經

閣閣後為崇聖祠雍正二年知縣楊國琦重修乾青

雲路之東有空地昔為射圃蘇伯衡記射圃南為萬

似坊雍正十年知為省牲所乾隆二十五年知縣吳

倉為訓導宅乾隆二十年教諭王玉生訓導陳集英

謝文利捐建外堂五間乾隆二十二年邑人鍾子選

訓導朱篆改建外堂於舊宅後修整完好增築垣廊

改舊南出門從號舍西出因明嘉靖時知縣黃美中建博文齋於明倫堂之左以博文顏其額儒學門東爲文昌閣門東西班房各一間又門東屋一間內設紙爐收焚字紙道光十五年邑庠生葉以成獨捐重建

大成殿東西兩廡二門泮池櫺星門并左右土地祠名宦景賢鄉賢各祠及四圍墻垣道光二十五年貢生葉文蔚捐建明倫堂道光二十五年監生蔡懋烈捐建尊經閣遂移

崇聖祠於明倫堂後道光十七年邑紳士勸捐修造兩學署同治十一年知縣支恒椿籌款建復教諭署十二

年籌款建復訓導署同治十一年例貢生闕鳳誥捐修殿廡及二門泮池櫺星門并四圍墻垣

名宦祠在戟門東祀二十五人

宋縣令陳俊卿元縣令赤盞顯忠買住方明安孫德潤明知縣石驥劉琬唐恩魏良弼張賀萬鵬張繼桂教諭林漢恭鄧義歐陽烈袁埴訓導陸鏊

國朝知縣張景留巡撫范承謨朱昌祚提督塞理白總督李之芳郭世隆王隲按察使楊宗仁

鄉賢祠在戟門西祀十八人

宋沈晦項安世王光祖程榆程樟王唐珪蕭必強元

王文煥練魯明王景葉希賢項民彝盧璣詹雨毛仲

包麟毛文邦王詔

教諭署

在明倫堂西同治十一年建復

訓導署

在明倫堂東南青雲路左同治十二年建復

忠義祠

在縣西天后宮左

節孝祠

在縣西天后宮右

明善書院

在舊市者久廢後建城東乾隆十五年知縣陳朝棟捐俸購詹姓房屋改建合邑紳士公捐協建咸豐戊午辛酉兩次匪擾被燬同治六年知縣徐葆清倡捐購買天后宮迤東葉姓房屋改為書院較城東舊宇寬廣 案通志載明善書院在縣西二十里宋淳熙九年朱文公為浙東常平使者至此講道咸淳間邑人葉再遇建以祀公久圯並詳古蹟

朱子祠

在舊市明善書院西乾隆十九年知縣黃槐捐建為童蒙義學中奉朱子神位左右列理學諸儒位嘉慶初圯二十二年邑紳勸捐重建并於祠後購屋建造紫陽書院又另建祠於舊市鎮

學田 附

明嘉靖三十六年知縣黃美中置田三畝隆慶六年知縣楊維新置田二百畝案舊志隆慶六年知縣楊維新置田二百畝令學中收租除兩學師飯米若干外為諸生季考月課資若干為諸生給貧費若干歲以為常閩變以後人逃田荒歲收不敷完糧更有胥役同佃人日漸侵漁田址皆去其籍年遠世湮無從查考迄今完糧四十畝租收三十石 舊志

賓興田七十五畝經管紳士收租充鄉會試路費名文

運開義田

文德田一百十三畝零經管紳士收租充歲科試文武

童生頭場卷資縣志

遂昌縣儒學在縣東南隅中為

先師廟明成化十年推官趙巡塑

像前為露臺東西列兩廡東廡北為祭器庫前列戟

門門東為土地祠門外東為名宦祠西為鄉賢祠萬

十八年知縣萬邦獻移建於此祠西有路轉北為明倫堂順治七年教諭鍾天

錫東西各有室四間即舊博文約禮二齋堂後殿三間供奉

闕亭為祝釐所舊為敬一亭址亭久圯雍正十年署縣許蓋臣知縣陳如錫請於憲司改建闕

五月落成堂西南隅為教諭宅有此君亭樂育堂及內樓凡三層訓導宅

購下橫街民屋為之久廢

舊學在縣西郭歲久就圯宋皇祐中縣令何辟非始

遷今址明成化七年通判郭鼎建明倫堂推官趙巡

建大成殿塑聖像置祭器未既代去二十年知縣余

黼成之戟門兩廡齋舍悉為創建主簿文英建櫺星

門宏治八年知縣黃芳重修邑人吳志記正德丁丑燬教

諭戴鑾請於知府林富重建緇雲周南記嘉靖間知縣黃

養蒙開拓學前基地鑿泮池即縣志所稱半月池知

縣洪先志修葺置石檻武林高義記萬曆六年知縣鍾宇

淳新之十六年燬於火十八年知縣萬邦獻重修徙

建啟聖祠於禮門內於櫺星門內建名宦鄉賢祠及

土地祠萬曆七年知縣鍾宇瀆建聚奎亭在鄉賢祠舊址十

二年知縣王有功建文昌閣在名宦祠舊址二十二年知縣

湯顯祖建尊經閣在明倫堂後舊志

國朝康熙五十年知縣繆之弼重修雍正十年教諭陳

世修復修大成殿兩廡土地祠戟門名宦鄉賢祠乾

隆五十九年半月池石檻傾圮無存教諭陸以謙重

建嘉慶十年廟已就圮合庠捐資重建道光十四年

大成殿前半倒壞知縣朱煌教諭王椿照訓導鄔宗山倡

率合庠鼎力捐資修葺殿宇並一切廊廡神龕墻垣

十五年崇聖祠梁柱將傾明倫堂亦圮復會同署教

諭葉誥署訓導洪鼎元率紳士捐助修整咸豐八年

三月粵匪陷縣治學宮焚燬殆盡惟大成殿兩廡崇

聖祠梁柱瓦石僅存同治四年知縣方泚教諭高鴻

集資修復八年教諭周榮椿署訓導程炳藻籌款建

復明倫堂逾年重建齋舍教諭署於堂左右以復舊

制訓導署本在東隅水亭街久廢不居兵燹被毀司

訓多寓學左昌山義塾因擇要修理暫作訓署十一

年殿脊坍塌西南層檐將傾周教諭偕署訓導曾鴻

昌率同紳士捐資重修並重建尊經閣於舊址廊廡

梁柱墻垣分別更易油漆粉飾宮墻櫺星門崇聖祠

禮門內外一律修整惟半月池石檻工鉅未復今郡

守潘紹詒撰文以記碑設明倫堂

振勵風俗典綦重矣凡與斯民之責切治道之求者

先務莫此為急遂昌故有學在昔與修不一具詳邑

志中咸豐戊午及辛酉迭遭粵匪蹂躪學宇成墟唯

大成殿崇聖祠屹然僅存事平後校官備民屋

而居有司方務招徠勤征繕學舍之成壞莫之或省

越八年同治己巳周君榮椿來掌教事與司訓程君

炳藻清釐學山得棊里源材木質其值用建明倫堂

工甫竣費云竭程司訓亦受代去他工未及舉也又

明年辛未訪有畫燭源學山一處失管多年文券亡

考嗣據山佃出乾隆間租帖知與羅姓山毘連歷被

復將諭署重造並修昌山義塾權作訓署自此兩齋

既稍完葺講學且得其地矣而禮殿後有尊經閣前

有兩廡若戟門櫺星門泮沼宮垣皆不容任其墜廢

也欲謀更新紉於費又逾年壬申秋大成殿右角

坍塌柱幾傾勢危甚急籌修整非集捐莫措也乃狀

其事來郡余即報可遂聚徒合估凡木石餼璧之材

丹聖髹繪之飾繩敷剗斷版築構結之用計費幾何

經營樽節徧示邦人惟士與民樂於趨事爭出金穀

佐之於是擇日授圖簡材庀物自殿榭棖題之當撤

別者庭雷陛祀之待陶甃者以及廊廡門廬庖福廩

庫次第繕完悉如制又創重屋為閣以儲經史規模

壯麗金碧輝煌士民聚觀相顧動色嘆為昔所未有

卷之七

學校

焉

周君之心力交至矣而余之計歷五年之久一告成
副貢後以州倅出司上洋權務上臺頗重其能旋以
不期能急先務一切秉公潔已區畫井然選擇堅良
為純儒出為循吏庶幾聖教昌明而風俗人才蒸蒸
日上仰副盛朝植學崇文之至意是則周君之所

以報國家者而邑人士宜如何淬厲無負師儒之屬望也哉茲周君造余請言以勒貞珉俾後有考余責在敦勸奚敢以不敏辭爰嘉其善而樂道之是役也採物料者歲貢王嘉言武生包國純司出納者生員王嘉祥咸有勞焉例得附書

射圃 在東隅案通志增列

名宦祠 在戟門左 祀二十二人

梁縣尹江子一宋縣令張根李大正縣丞胡涓明知縣何鉞顧巖張鉞縣丞周恂知縣段宏壁池浴德湯顯祖胡順化

國朝知縣趙如瑾李翔訓導朱永翼巡撫范承謨總督李之芳巡撫朱昌祚提督塞理白總督郭世隆總督

王騰按察使楊宗仁

鄉賢祠 在戟門右 祀十三人

宋龔原華岳尹起莘周紹周南元鄭元祐明應櫛朱應鍾鄭還項森項應祥朱景和

國朝包萬有

忠孝祠 在半月池文昌宮左舊在池左雍正間圯道光二年合庠捐修光緒二年訓導單恩溥率

節孝祠 在半月池文昌宮左雍正間建於西隅乾隆十年節婦後裔改建忠孝祠側咸豐十一年匪燬

同治四年修葺西同治九年

教諭署 在明倫堂西同治九年

學校

訓導署 舊在東隅水亭弄久圯廢為菜圃同治九年修葺學左久廢東義塾作為訓導署

鳳池書院 在湖山有明作堂歸詠橋知縣鍾宇澹重修建光霽亭

於歸詠橋前橋易木以石

兌谷書院 在北隅郊外邑人包萬有建

盤溪義塾 邑人宋子堯建在二十都獨山

項氏義塾 在北隅邑人項應祥建

社學四 東南西北各一緡雲樊獻科記東隅社學明崇貞二年知縣胡順化遷建於貞烈坊下以上

書院義學並載通志舊志案四義學久廢西南北三學屋宇盡圯惟學宮左東義學尚存圯毀殊甚同

治十年修整暫作訓導署

妙高書院 在縣北五里妙高山舊文昌閣道光初年知縣鄭鴻文率董勸捐於兩旁空基建講堂

齋舍未竣解組八年知縣朱煌輝成之咸豐十一年匪燬同治九年知縣韋登瀛籌款建復規制視昔有加焉

學田 附

明萬曆七年知縣鍾宇澹申請撥寺租二百石充入學立碑明倫堂紀其畝數土名就號舍立學倉一所每年僉選殷實公正人戶二名并德行生員二名眼同徵收存貯以給本學月課及資助貧生之費至八年將租折價縣自追收不復由學半為縣役佔耕侵匿月課堂饌無所出貧生不以時給有名無實萬曆三十七年邑人項應祥置養士田三百石 浙江布政司洪啟睿

記 舊額徵銀三十七兩六分二釐五毫縣解布政司
轉解學院賑給貧生雍正癸丑重修郡志催據遂昌
縣册開學田共三百零三坵不註土名畝分共該學租銀三
十七兩六分二釐五毫內有收熟田租銀二十八兩
五錢九分七釐五毫無收荒田租銀八兩四錢六分
五釐又學册開造義學田一百二十畝八分六釐八
毫一忽七微每年完糧銀一十二兩八錢九分一釐
逢閏在外舊志

養士田

明萬曆三十七年邑人項應祥置養士田三百石

萬曆四十七年邑人徐志雄置養士田一百石

國朝嘉慶五年被水僅存實租六十八石自二十三年
至道光年間徐氏後裔徐夢熊徐濬明徐馨徐受泰
經管王廷楷積有盈餘續增田二十石四斗 乾隆
三十二年邑人王日謨捐置田二百五十石五斗立
王養士戶為合邑生童考試卷資道光三年合庠會
議將府試童卷歸入三良士戶下以此項田租專辦
院試生童卷并縣試童卷資餘充鄉試生員路費
乾隆五十六年邑人葉勳吳秉權朱陵煥各出銀生
息積累置田得租一百三十四石五斗立三良士戶

以充考試公用 秀升戶田共計租八十石被水漂沒一石
五租作生員鄉試路費貢田十八石恩拔副
優歲貢於是年輪收一次以上田畝坐落土名俱詳
縣志不備載

龍泉縣儒學在縣金鼇之東中為 先師殿前為露臺
翼以兩廡又前為廟門者三左名宦祠右鄉賢祠外
為櫺星門前為泮池廟後為明倫堂東西列兩齋進德
賢又東為崇聖祠堂後為教諭宅西為崇迪堂後為
訓導宅
學建自宋天禧二年建炎間燬紹興初知縣汪汝則

建邑人季嗣後興廢不一明洪武初撤而新之嘉靖

已未知縣瞿繼志重建明倫堂隆慶二年知縣李柷

重修復東西往來舊路決後渠水入泮池以官地易

學南民居開其障蔽前挹溪流樹坊曰山川啟秀何鏗

有記載萬曆十一年知縣陳應芳重修十三年知縣

華廷詔再修緡雲鄭汝壁記二十九年知縣章文標重修舊志

國朝康熙十二年郡別駕楊國樞攝邑篆捐俸倡修舊

制稍復鄭唐記康熙癸未知縣金輝增葺錢琇乾隆二

十六年知縣蘇遇龍重建二十七年冬落成遇龍捐俸倡紳士紳耆隨時聚費

計千餘金

崇聖祠舊在文廟後久圯春秋丁祭設神龕於明倫堂上

國朝康熙三十六年遂昌令太原韓武攝龍篆始構基

於明倫堂之東偏康熙四十年邑令金輝偕教諭姜

培增葺之訓導時然隘陋弗稱雍正十一年邑令陝

西鄭重偕教諭章士階於明倫堂後構殿五楹規模

宏敞明倫堂康熙二十年邑令孔尙鎗建康熙三十

一年攝邑篆太原韓武偕教諭董茂蘭重修訓導時

尊經閣舊在明倫堂後亦知縣孔尙鎗建雍正十一

年建崇聖祠於明倫堂後高其垣墉視昔有加焉道

光二十七年邑人李潤霖重修大成殿蔡士彬重修

大成門官廳周允元重修崇聖祠明倫堂教諭陶鈞

重修尊經閣

聚英書院

明倫堂東明時有進德興賢二齋久圯教諭林敷紫即舊署改葺去後士人感德繪像祀之即以為林祠道光二十七年西鄉人士捐資重建光緒二年西鄉徐必超重修

教諭無署

今尊經閣基即教諭署舊址現以閣為住宅增建旁舍

訓導署

在明倫堂西其前為崇迪堂久圯訓導王元別建於文昌閣前咸豐間漸圯僦居民舍同治十三年改建文昌閣遂廢

名宦祠

在大成門東道光二十七年蔡士彬重修祀八人

宋縣尹傅楫沈希稷葉縮縣尉楊大異明知縣張羽

學校

李肅吳文度教諭江輝

鄉賢祠 在大成門西道光二 祀十七人 增祀一人

宋吳載管師仁張著季陵何偁葉適葉味道真德秀

管師復明章溢胡深葉子奇葉溥王應宣王碩輔周

之福張守身

國朝范炳華 增祀

忠孝祠 在學右光緒二年

節孝祠 在舊縣治左道

奎星閣 康熙癸未邑令金輝建舊在學東十餘步乾隆

林山書院 在縣西五十里嚴祥宋端平間

仙巖書院 在縣西五十里漿安村宋咸淳間邑人章公

笏洲書院 在縣西三十里濱田通志案

仁山書院 在縣東二十二都通志乾隆三十九年

垣董其事以每年

金龍書院 在縣署東偏乾隆三十二年邑人劉獻季文

租息次第建復

義塾五 在縣西七都一在縣北譙樓下邑人鄭佳

東康濟廟前一在七都大坦濟廟前一在縣

社學二 在縣東登仕坊縣志稱籍桂社學

龍淵義塾 在縣西乾隆縣志俱不載案通志載此義塾

處州府志 卷之七 學校

志所載仙巖書院同村仙巖為宋咸淳間建龍淵建於元季是一是二無從攷証枯蒼金石志載龍淵義塾碑記以舊志內心都義塾當之不知縣西漿安村本有龍淵是未攷通志也碑記詳金石

吳氏家塾 在縣北明正德三年邑人吳瑞禧建

鄭氏義塾 在縣西明隆慶元年邑人鄭佳建置田贍士

翁氏義塾 在縣東明萬曆元年邑人翁景暖置

案以上三塾通志縣志並載鄭氏塾即縣北譙樓下者是翁氏塾在縣東當是康濟廟前附註俟攷

劍川義塾 縣志未詳基址

培文義塾 縣北月泓廟東道光十八年知縣何薇照捐建

學田 附

元至順間置田贍學 有趙嗣孫記 明代廢久莫稽萬曆二

年知縣劉一德重置學田 先是桂林劉宰

所以養士者得中丞章公益田二頃六十二畝久為

寺僧及隣里所佔沒乃上御史府以其田歸之學詳

覈邱畝及受田農人姓氏每歲縣收租錢為諸會課

及不時之需并刊之貞石俾世世有考焉 舊志

賓興 附

嘉慶二十三年邑紳蔡土豪王致中蔡士庭等勸捐

錢二千五百串存典生息為諸生省試路費通詳立

案刊有賓興義舉錄咸豐八年匪擾典商歇業負欠

嗣經知縣張致高斷追減去五百千實繳錢二千串

仍存典生息每科提息分給

慶元縣儒學在縣東豐山門外中為先師殿康熙四十四年知縣

程維伊前為露臺順治十二年教諭駱起明建翼以兩廡前為大

門者三左列名宦土地二祠右列鄉賢祠前為泮池

康熙二年知縣高麟鑿又前為櫺星門三康熙十一年訓導戚光朝修外為

屏門東西列德配天地道冠古今二坊康熙九年知縣程維伊建

稍東為儒學門五內為道義門五又內為登雲橋橋

下為池又內為明倫堂堂下左側為訓導宅康熙四十四年訓導

周之翰率諸生同建稍西為崇聖祠教諭宅訓導宅俱廢

宋慶元三年置縣縣令富嘉謀建學於縣北瀆田上

村至元時燬洪武十四年知縣董大本改建於就日

門外三十八年知縣羅仕勉教諭宋觀建戟門兩廡

櫺星門天順二年知縣張宣以地臨溪澗齋舍下濕

復遷瀆田故址教諭鄭師陳記成化十年知縣余康

建尊經閣嘉靖十年知縣鄭舉奉建啟聖祠於明倫

堂後建敬一箴亭於啟聖祠東二十五年築城學在

城外阻二澗水師生登謁稱艱隆慶二年知縣彭适

教諭顧翼高生員吳述等議改為便上其事司府報

可嗣任知縣朱芾乃遷縣治東郡人何鏜有記萬曆

二十一年知縣周道長重修四十二年知縣郭際美

見明倫堂狹隘屏牆外排列市肆甚不壯觀捐俸三十兩復將生員陳夢霈新墾田租三百二把陞科購吳衍慶等肆屋基地十二間拓明堂左右暨儲俊育英二坊崇貞三年知縣陳國璧教諭胡若宏訓導賈應忠改建今址復捐俸買葉應遇張元郎地不足更以萬壽菴右空地益之教諭胡若宏記見縣志藝文康熙二年知縣高嶙環築墻九十餘丈舊志雍正三年知縣徐義麟教諭孫之縣重建明倫堂乾隆三十七年知縣唐若瀛捐俸重修嘉慶十三年大水沖塌墻垣十七年知縣鳴山倡捐重修縣志

射圃

在演武場東通志

名宦祠

戟門左

祀九人

宋縣令富嘉謀明知縣曾壽楊芝瑞沈維龍

國朝巡撫范承謨朱昌祚大學士徐本總督郭世隆李衛

鄉賢祠

戟門右

祀二人

宋吳競吳樞

忠孝祠

在明倫堂左

節孝祠

在學宮右嘉慶十年移建衙後

教諭署

初在明倫堂左後廢隆慶元年遷建縣治東中為大堂為奎星樓乾隆四十八年建

遠州府志

卷之七

學校

訓導署 在教諭署西乾隆五十九年訓導徐藻道光八年訓導沈錫疇先後重修

松源書院 在西隅與賢坊舊為府館明知縣沈維龍合邑人吳詔修理額曰松源書院久廢

對峯書院 在豐山門外文廟左乾隆七年知縣鄒儒建五十年知縣王恒移建四都瀆田仍額曰松

源書院後兩院俱廢其址成田嘉慶十七年知縣鳴山以明倫堂前道義門舊屋加造兩廊為松源書院

二十三年知縣譚正坤以公項置田道光四年下管吳通金等捐田以資膏火

育英莊 在城隍廟右 儲英莊 北城 儲賢莊 竹口 三莊皆康熙間知

縣程維伊建為生童肄業之所 縣志

義學四 一曰桂香社學在縣東上倉知縣沈維龍建一曰濟川社學在下管知縣勞銘彙建一曰登俊

社學在城東坑墩知縣朱芾建一曰神童社學在九都竹口 舊志

學田 附

明隆慶元年邑人吳安慶捐買寺田輸之學計租三

十六石四斗五升每歲納租銀二兩二錢七釐五毫

貯學庫案縣志云明隆慶三年遷學邑人吳道揆督

建仍入所買吳往八七都桃坑田計稅三十六畝三

釐一毫每年輸糧外除銀四兩六錢三分貯縣庫以

備修葺又隆慶四年邑人吳安慶買寺田二十八石

三斗已田八石一斗五升俱屬九都陳龍溪計稅一

十畝遞年輸納本學以供月課等費又萬曆五年邑

人周時冕入所買十一都三圖槐源寺田計稅一頃

八畝三分九釐實租二百二十七石六斗貯竹口公

館爲本學濟貧月課等費又萬曆三十六年邑人王繼滔以所買吳實上際民田一十五畝租三十七石每年除輸糧外餘入本學以備修葺

舊志隆慶四年一則舊志未載

照縣志增入

雲和縣儒學在縣西百步許中爲先師殿翼以兩廡

前爲戟門外泮池跨以石橋前爲櫺星門內爲神厨

爲庫房爲宰牲所尊經閣在文廟後明倫堂在崇聖

祠前爲齋二博文約禮又爲學門爲儀門爲膳堂爲號房

爲學倉爲厨房泮池西爲射圃西廡後爲教諭宅訓

導宅今廢俱僦民居

學立自明景泰乙亥至宏治乙丑知縣劉燦漸次修

建創尊經閣暫以閣下爲明倫堂嘉靖己丑知縣陳

思順拓舊址更新之丁酉夏四月風雨暴作宮殿傾

圯知縣鄒伯貞重建又相度廟左隙地建明倫堂

國朝康熙二十八年正月知縣林汪遠捐俸重建時廟

庭之前有枯柏重生之瑞嗣後接續修建乾隆間則

知縣李懷瑾知縣王欒嘉慶則知縣蔡應霖道光則

知縣阮應奎署知縣高毓岱十九年知縣伍承吉增

建學署改建尊經閣

記日咸豐五年歲次乙卯冬十一月承吉奉檄權篆斯邑茶

謁至聖廟見規模宏敞楹桷煥然心甚嘉之詢知

爲前邑令粵西阮君應奎與紳士梅榕等集議倡建

增高大成殿基址兩廡及戟門櫺星門均改建高
 大營石坊置木柵又遵會典圖式移崇聖祠於殿
 後徙明倫堂於祠左添奎文閣於廟前復建昌黎伯
 忠孝兩祠工既竣矣因教諭自復設以來未有衙署
 訓導雖有署亦祇破屋數楹遂以廟工之餘增建兩
 署為師生講肄之所並改奎星閣為尊經閣始於道
 光己亥初夏至癸卯季夏而落成焉是役也通計實
 用錢七千四百緡有奇前邑令阮君捐錢三百緡後
 署令元和君高君毓岱捐廉五百兩職員梅榕經理其
 事先後捐錢二千三百餘緡為數最鉅其捐貲首倡
 者林禹臣也相繼樂輸者陳鍾梓郭華芝梅敦幹季
 甘棠吳德言鄭以誠陳鳳鳴諸人也捐錢自二百緡
 以上均得如例議敘各給八九品頂戴惟職員魏文
 瑤捐錢二百緡辭不邀獎夫振興學校為一邑文運
 之所關隆廟貌而肅觀瞻典至重也前政之率作興
 事梅榕等之好義急公皆不可以不書是即韓子所
 云後之君子無廢成美之意於
 是乎記咸豐八年戊午春正月同治六年知縣黃敬
 熙集捐重修邑人王士鈞記勒碑明倫堂

射圃

通志

奎星閣

在學門舊在隔溪南岸 國朝乾隆十八年知縣彭元璋捐俸改建今為尊經閣

尊經閣

在隔溪南岸舊在學後久廢 國朝道光二十一年因奎星閣故址改建

名宦祠

在大成門左 祀十四人

明知縣顧立黃芳陳思順劉燦教諭鄭汝爵知縣楊

兆鯤

國朝總督郭世隆朱昌祚王隲李之芳訓導謝廷謨巡

撫范承謨朱軾阮元

鄉賢祠

在大成門右 祀三人

明金忠沈暎王一卿

廣州府志

忠孝祠 在土地祠後

節孝祠 在黃溪北隅東嶽宮東嘉慶十二年知縣陳治策重建

教諭署 在明倫堂東舊在戟門左久廢乾隆十八年教諭平聖臺就尊經閣傍重建三十年教諭方宏

訓導署 在崇聖祠西舊在西廡後廢乾隆二十八年訓導侯麟重建明倫堂西嘉慶十年訓導鍾山重

修道光元年訓導王武錫於後圃得康熙二十八年邑人所刊瑞柏石是科諸生魏文瀛登鄉薦額日瑞

柏講舍 縣志

箬溪書院 在朝陽坊道光七年知縣鄭錦聲率紳士魏

文瀛梅佳模王廷寶等集資創建為義塾右為社倉左為朱子祠二十三年知縣高毓岱改為書院同治二年重修 縣志 光緒元年知縣洪承棟

率合邑紳士重修 增建東西文場

浮雲義塾

東塍義塾

石塘義塾

泉溪義塾 以上四塾舊志縣志俱載久廢

生成義塾 在縣南小徐莊嘉慶二十四年里人集資倡建

社學二所 同治二年署知縣涂冠署教諭孫有儀置 縣志未載基地

學田 附

明萬曆六年知縣蕭潤捐田一百二十六畝八分用

價銀一百兩一錢八分 何鐘有記 天啟乙丑年知縣廣東

保昌葉逢焜捐置學田四十畝有碑記雍正癸丑重

學田 學校

學田

學田

學田

修郡志據雲和縣開造每年解學租銀一十二兩六錢外仍照民田輸糧舊志

國朝康熙六年生員項克昌捐田一百十餘畝由學徵租每年解銀一十二兩六錢解學院歲科試賑給貧生

邑向有贍士田乾隆六十年知縣張修議析田復義學未果嘉慶九年知縣蔡應霖十四年知縣陳治策先後申請始析贍田七十八畝零為賓興田由董事徵租納糧外鄉試年分給諸生路費縣志

宣平縣儒學縣治東百步中為先師殿康熙十五年署篆郡同知

崔鳴鸞翼以兩廡康熙三十八年知縣韓宗綱重建前為泮池跨以

石橋廟後為明倫堂康熙三十年署知縣霍維騰重建為崇聖祠知縣

韓宗綱建康熙六十年知縣于樹範教諭張兆龍合力改建教諭訓導宅久廢俱僦民居

學創自明景泰三年知縣李葉建文廟兩廡廟門左名宦祠右鄉賢祠前為櫺星門外騰蛟起鳳二坊中

有月池教諭崔宗魯捐買民圃鑿之左為儒學門門內東為教諭

宅有門曰文嘒曰義路曰禮門北中為明倫堂左右有二齋有號房十間東為正心西為誠意有卧碑倉廩饌堂射圃省牲所致齋所敬一亭前為訓導宅宅南為啟聖祠成化十八年知縣何昌重修馬愈記嘉靖

十六年知縣鄔瑞教諭蘇民望重修二十年知縣蕭
彥又重修

洪垣記

隆慶二年知縣艾善更新萬厯間知

縣劉珍葉遺風相繼修之天啟間教諭王嗣爽改建
啟聖祠於文廟東又建文昌閣后土地祠并改教諭
宅於文廟西崇貞五年訓導葉永芳建宅於教諭宅

西

王在
鎬記

國朝康熙十四年閩寇焚毀十五年改建今所

舊志

乾隆六年邑令劉鐸改建明倫堂七年教諭吳三發
新建大成門八年冬教諭陸獻猷捐俸率紳士續成
之

周圍牆欄懸額製屏門鐫
刻聖經越五年始告竣

並建土地祠於明倫堂

東偏九年夏暴風毀拔櫺星門柱石殿廡祠宇均圯
十三年邑令雷仁育首先捐俸偕教諭陸獻猷訓導
吳澹景率紳士鄭瑞鳳等增修大成殿加立柱石周
以圍欄兩廡及崇聖祠俱改建時獨建石櫺星門者
則貢生祝復禮獨造名宦祠者則貢生潘士仁一時
鼓舞購材運石期年乃竣歲壬申督學彭啟豐作重
修宣學碑記邑令雷仁育作建櫺星門名宦祠碑記
三十年貢生沈大成獨建大成門四十八年署令莫
景瑞偕教諭王誥訓導邵是栲董事鄭學泗王萬齡
鄭勛潘士業李嵩萃鄭國華鄭家聲鮑得霖徐文潮

等捐修大成殿梁柱率採大木較前宏敞邑令張蚤
譽績成之四十九年修兩廡名宦鄉賢五十年修建
崇聖祠明倫堂嘉慶十四年邑令耿維祐教諭俞諒
訓導張榮董事王萬齡鄭玉佩鄭學超潘德懷重修
並建明倫堂右平屋三間道光五年署教諭胡容松
修補祭器樂器六年試用訓導王治安修葺聖移
土地祠於名宦祠左修建官廳三間十五年三月十
三日大成殿神龕上棟析几案俱碎邑令黃維同率
董俞宗煥重修縣志

名宦祠

在土地祠側

祀十六人

明尙書孫元貞知縣李葉楊中立洪雲翼縣丞徐黼
宋鎬教諭徐潤翟宗魯訓導朱萬里
國朝知縣韓宗綱巡撫范承謨朱昌祚提督塞理白總
督李之芳郭世隆王隲

鄉賢祠

祀一人

明吳仕偉

忠孝祠

在縣東

節孝祠

在縣西

義塾

縣東南五里雍正十年學院李清知府曹掄彬捐建舊志

午溪義塾

在縣西曹門祠堂前明嘉靖間鄭氏建燬於國朝乾隆十一年鄭氏後裔營造

德州府志

學校

潘氏義塾 明初潘軾建以訓族子弟後燬國初裔孫重修縣志

鼇峯書院 在縣東學宮右乾隆四十年知縣趙某創建

學田 附

明崇貞三年知縣鄭龍光捐置田三十畝 王一中記

雍正癸丑重修郡志催據宣平縣學開造原額田一

頃三十六畝零除三元橋水推并拋荒外今丈實熟

田一頃一十九畝四分七釐新墾田七畝零五釐此

係朱萬里鄭龍光戶田與黃衢荒田又徐祠田七十

九畝零從前經管不一自康熙十三年閩變後田荒

糧逋十九年始撥入儒學每年徵解學租銀一十二

兩一錢八分四釐解費六錢外仍照民田輸糧每年

計十一兩七錢一分零米七斗七升二合 舊志

景甯縣儒學在縣北中為先師殿 康熙十八年知縣劉宗沛重建

以兩廡 雍正七年知縣汪士璜修 前為戟門 康熙五十年知縣張琢教諭郁廣重建

又前為泮池為櫺星門殿後為崇聖祠 原為明倫堂康熙六十一

年改為 殿左為明倫堂 康熙六十一年教諭孫學行崇聖祠訓導沈士驥以牆外齋署舊

址改 名宦祠 在戟門左 鄉賢祠 在戟門右 土地祠 名宦祠左 祭器庫

鄉賢祠右 奎星閣 在泮池左教諭孫學行訓導秦世鼎捐建 文昌閣 在泮池右教諭鄭蘭

谷 學署 久廢 學齋 久廢 雍正十年知縣李應機重修

舊學在縣西北城外里許景泰設縣初知縣楊殖宗

因潘氏貫道書院改建草創從簡次第經營先後增飾成化間則知縣林堉高政宏治間知縣林謹夫正德間知縣陳傑單珏嘉靖間知縣程達王三接趙子楫於時科第晨星猶稱得士至慶歷以後寂如矣知縣陳巖之議圖改遷難於得地惟前後通加修葺知縣林喬松葉汝馨萬師閔先後增飾崇貞十四年知縣徐日隆得縣北承恩門外五十餘步前臨大路後枕石印山麓改建新學自爲文以記其事而人才寥落依然至

國朝順治間知縣林忠順教諭聞斯震康熙間知縣蓋

士毅訓導方游龍知縣劉宗沛教諭史鎰鄭蘭谷郁廣孫學行訓導沈士驥雍正間知縣汪士璜歷有增修卑者崇之圯者立之缺者完之皆煥然聿新惟論訓署未建賃居民屋不能無俟於後來云

舊志案前

則畧加刪節慶歷當是隆慶 乾隆二十七年知縣

曾一貫再遷城東春華門外敬山宮左原隴之間顧

地處淤濕易致剝朽嘉慶二十五年正殿傾圯道光

二年知縣吳裕中訓導閔思端修復

訓導閔思端重修景甯縣學記

人心者風俗之原也學校者教化之本也有學校然後可以興教化有教化然後可以厚風俗而正人心

此自然之理也我

國家重熙累洽文治光昌凡海澨山陬罔不建學明倫

所以為人心風俗計者，莫如加矣。司是鐸者，上以闡揚聖化，下以整飭士風。固不第講道德、論文章而已。堂階之灑掃，必潔；牆垣之修葺，以時。亦不得辭其責焉。景學大，成殿自嘉慶二十有五年，傾圮。雖經前任明府司訓，倡捐而各都連歲告歉，未克舉事。道光二年二月，中勵精圖治，而諸董事暨各紳士，民加倍踴躍樂事，勸功得於六月十日，有三日。上梁監柱，由是樸斲墉垣，塗茨丹雘，翬飛鳥革，煥然一新。秋祭禮成，後庶幾夫子之位安而合邑之人心皆安。而子之獲罪戾也，大矣。夫先師而崇教化，乃予自蒞朝廷，設立學宮，專為尊奉。先師而崇教化，乃予自蒞任以來，未能刻期歲事，遷延至半載有餘。罪何可逭，且以崇聖祠文昌閣，明倫堂均未加修。予係暫署，瓜代有期，而吳明府又調任山陰，惟冀後來者與各董事始終其事，不隳厥成，或可少免予之罪戾也。夫考在縣志，厥後屢遷，屢修，悉未有碑文可考。蓋縣志之不修亦已久矣。諸紳士恐後日之董其事者亦如今日之茫無規仿也。爰屬予畧志巔末，并勸捐規條，姓

氏工費彙冊付梓，以待他日之考證云。道光二十五年，正殿及東廡坍塌，毀殆盡。知縣瑞齡教諭朱葵之訓導何光鏐重修二

十七年，知縣程文範改建於縣治東隅二十步。日上

橋頭咸豐元年，知縣曹建春始竣事。咸豐四年，知縣

李作幹添造石甃三十丈，引後坑水以注於泮池。同

治元年，兩次被匪互有毀拆。二年，知縣饒興遣教諭

戴星修復，蓋至是已經三遷矣。縣志

教諭署 明倫堂後
訓導署 明倫堂後
射圃 地志

名宦祠

戟門左

祀十一人

明知縣楊殖宗陳傑胡景主簿馬鑾教諭鄭陸

國朝巡撫范承謨朱昌祚提督塞理白總督李之芳王

騰郭世隆

先賢祠

戟門右

祀六人

明劉基梁以孜潘琴潘辰葉廣葉鳳

忠孝祠

在縣北

節孝祠 在縣北雅峯書院右

崇正書院

在縣東一里舊為敬山社學知縣陳連建明萬曆六年知縣林喬松改為書院

鶴溪書院

府館舊址知縣姜師閱創為書院久廢雍正五年知縣陳誠建節烈祠於原萬壽宮馬仙

園地書院基址易為馬仙供奉香火處

文昌閣

在行春門外知縣角韶創精舍三十餘間仍置田贍課館士後無繼者閣亦漸圯更值遷建學

宮其基址悉售民間無存

鶴溪講堂

在學宮右又曰鴉峯講舍雍正四年知縣汪士璜購民地捐建左右精舍二十間廚房一

間

社學六

一曰張春在縣東五里知縣瞿奎建一曰渤海在縣北六十里一曰仙妙在縣西七十里

南一曰盧山在縣西一百里一曰淙峯在縣南六十里舊志

雅峯書院

在石印山後舊學右即雅峯講舍雍正間知縣汪士璜建後圯乾隆三十八年知縣張九

華改建指南書院復拓舊學餘地於古桂旁建亭日桂芳道光三十年知縣邢吉甫重建同治元年匪毀

三年知縣徐熾烈張鴻修葺改建入

年知縣周杰朔望課士捐廉獎勵

學校

書

豸山書院

縣西南一里明嘉靖三十二年鍾夏嵩建後

華公祠乾隆十九年知縣郭邁建文昌閣道光三十年知縣曹建春重建咸豐十一年知縣管書勳重建文昌閣同治元年匪燬十一年知縣周杰次第興修案舊志鶴溪豸山俱入古蹟今並詳

明德書塾

在二都大均里貢生李鑑堂建

繼志書院

在三都英村里庠生吳九臯建

濮陽義塾

在六都桃源里增生吳鍾鎬建

博愛書院

在縣北半里後改高公祠

三勝書院

在行春門外明知縣角韶建即文昌閣見

前縣志

學田附

案縣志景邑學田自明嘉靖三十五年知縣鍾夏嵩

沒民隱畝入官漸積一頃有奇後漸荒蕪隆慶五年

知縣陳巖之覈其實得田七十畝皆遠在百里外收

租不便因白監司請以金仙油田寺附郭田抵易學

田又增腴田二頃仍輕其租畝定一石價二錢不與

耕夫較期可久也知縣林喬松又申請撥五都上標

廢寺田四十畝以為課土之費當時行之甚為盛典

後因遷建學宮易賣充費或荒蕪或為各寺侵佔至

國朝康熙三年清丈僅得五都各處田五十二畝零訓

導方游龍牒請知縣王文煌復詳撥金仙惠明清修

處州府志 卷之八
三寺磽田共八十畝并原文田畝每歲完地丁銀一
十兩八錢九分四釐逢閏加五錢三分三釐六毫二
絲九忽又解學租銀一十一兩三錢六分豐年所入
僅敷其值歉則反爲教員之累將奚所藉爲養士之
資

學山三十七畝四分 原官山一處坐縣北名北岸
坑底與劉梁二家民山接壤後因節目爭訟告院批
審各願以山輸學申充并撥爲學山會同勘界立碑
刻石東至洪嶺南至官路西至雲和溫溪界北至嶺
頭宮對向山橫過一帶送學歲收爲師生年終柴炭

之資

雍正癸丑重修郡志催據景甯學冊開現在學田一
百一十八畝五分每年完地丁銀一十二兩零五分
解學租銀一十一兩三錢六分

舊志

義學田始自乾隆五年知縣黃鉦歸廢寺田租一百十
餘石爲諸生膏脯之資乾隆十八年知縣郭邁又撥
置田五十餘石俱係入官管理後因經費不敷至乾
隆五十九年知縣成履觀更議章程覈得實田租一
百八十三石零十升五合糧立景義學坐額一頃零
六分一釐四毫二絲八忽并地山歲徵銀七兩九錢

五分二釐又立小義學戶後改雅峯義學坐額四十二畝一分八毫四絲六忽歲徵銀三兩二錢四分三釐後因經理疎忽或被水冲坍或被佃侵沒每歲止收租一百四十五石浮費日出生童膏火獎賞漸形短絀續各董經理得宜增置學租十四石五斗至同治五年知縣陳德漸撥金仙寺田水租二百六十石立雅峯樹人戶坐額六十八畝又立聚奎戶坐額六十二畝又撥豸山書院文昌閣並修文二戶田租六十石一斗三升照原文昌祭戶坐額二十畝九分修文戶坐額五畝零三釐議定章程詳請各憲奉准勒

碑爲文以記之碑暨講堂今於同治十一年合邑紳士公請原撥出豸山書院租分撥文昌戶田二十畝九分入賓興戶又撥歸餘備戶田一畝九分修文戶田五畝零三釐爲文昌宮歲修祭祀之資十二年二月間學又具稟公請酌撥義學新碑田三十畝以充賓興

義學山查景邑義學戶額坐官山三畝五分民山一頃五十八畝九分有零而山則無片壤經理者循舊納稅而已今惟咸豐七年知縣孫杰案結三都劉姓爭山願入充書院內其山土名坐葛山後坳大坪橫路

并赤巖入門塔邊並牛鼻頭等處歲收山租錢一千文又同治三年知縣徐熾烈案結在城梁姓爭山願充入書院內其山土名在石獅衙上至李姓田下至均門橫路梁姓山左右俱至田歲收山租錢二千四百文俱與上同治五年知縣陳德漸撥租同勒新碑內

義學賓興田查景邑向無賓興道光五年知縣李文熊於義學書院租內提錢四十千交科試前列生員帶省以首場後照人數分給後因書院經費不敷道光十一年合庠任觀萃陳謙陳樹槐葉凌雲林蕃等以

乾隆十四年前任知縣李升階撥惠明寺田租一百石入郡蓮城書院爲邑諸生肄業之資自撥田後無有赴郡肄業稟懇前任知縣趙懋勛暨署任李汝霖節次詳請核復府憲劉俯如所稟准撥回租五十石作爲賓興立義學賓興戶坐額田二十一畝七分七釐道光三十年知縣曹建春據邑紳士公請議定章程案照學額以文生三成武生一成照舊章帶省分給著爲定式同治五年知縣陳德漸又以豸山書院並修文戶田租六十石一斗三升易爲賓興而以前欸爲書院膏火并勒諸碑邑士子咸以前文昌閣租

仍歸諸閣而賓興遂以前撥回惠明寺之五十石爲定今同治十一年合學公請將撥歸豸山文昌宮租分撥出租三十八石又西阮租鄉秤六籬二十劬爲士子鄉試賓興額立豸山賓興戶二十畝九分十二年二月又請酌撥雅峯書院新碑租六十石以裕賓興額收聚奎戶入義學賓興戶三十畝彙共坐實租一百五十石

義學崇文田乾隆四十二年知縣張九華撥高公祠盈餘租田六畝四分東嶽宮香燈租田七畝二處田共十三畝四分立崇文戶原議爲修葺文廟之需適邑

人毛啟元初膺鄉薦合邑議請以此租作會試路費約三年後仍歸通學公儲續啟元分立文廟預備戶而後起者仍循舊統收未免相沿成習今查徵冊載預備戶坐田八畝三分五釐崇文戶止留田三畝三分合計又減去田一畝七分五釐矣然此租旣以崇文而設後之人當必顧名思義以求克自振拔者

縣志

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

處州府志卷之七終

